

DISPVATIO INAVGVRALIS JVRIDICA
DE
C A T A S T R I
R E V I S I O N E

QVAM



JVVANTE TRINVNO

EX DECRETO

MAGNIFICI JCTORVM ORDINIS

IN

ILLVSTRI GERANA

PRO CONSEQVENDIS

SVMMIS IN VTROQ. JVRE HONORIBVS

ERVDITORVM PLACIDAE DISQVISITIONI

VII. ID. APRIL. A. MDCLXXXV. SVBMISIT

FRIDER. WILH. LYSERVS

HAL. SAX.

RESPONDENTE

DN. CHRISTOPH. ANDREA SCHVBARTO

HAL. SAX.

HORIS SOLITIS ANTE ET POMERIDIANIS.

EDITIO NOVA

WITTENBERGAE LITERIS VIDVAE GERDESIAE 1726.





I. N. J.

PRÆFATIO.

IN causis tributorum nervus est Reipubl. *L. 1. §. 20. ff. de question. & sine sumptibus non ulla Respubl. subsistere potest, opus est ei opibus, sine quibus nil fiet, quod opus. Tholof. de Republ. c. 1. Bornit. de Ærar. l. 1. c. 1.* Hæc enim sunt fulcra imperii, his ejus fines defenduntur, pauperes sublevantur, bene meriti recreantur, regnum conservatur, securitas stabilitur. Hinc si salvam velimus Rempubl. collectas ac tributa ad eam conservandam quilibet de suo lubens conferet. Jus enim est Regis, ut a Regno alatur, & quidem pompa Regali, & ut ei regnum subministret omnia, quæ necessaria fuerint & ad bella gerenda & ad pacem conservandam. Hæc a populo Regi subsidia debentur, & necessario a populo fideli solvuntur, cui consentit proavus meus piæ memoriæ, *D. Polycarpus Lyserus im Regenten : Spiegel in der Predigt am Anfange des Landtags fol. 228. Stapletonus in Prompts. Morali Dom. XXII. post Trin. f. 583.* Nam, licet nullo modo eorum impiam

probemus curam, qui in eo unice defudant, ut quotidie novos collectandi modos excogitare, & Principis ærarium sudore ac sanguine subditorum replere queant, ejusmodi enim nebulones laqueo dignos judicat Potentissimus Hassiæ Landgravius, PHILIPPVS, & ut patriæ proditores & pauperum excoriatore durissimis subjiciendos tormentis. Interim tamen nec eos reprehendendos credo, qui ex subditorum tantum decerpunt bonis, quantum ad summi Principis & Reipubl. conservationem necessarium, & quibus subditi commode carere possunt. Tanti enim necessario debent esse redditus Principis, quam variæ & multiplices sunt ejus expensæ, & secundum horum proportionem tributorum fiet impositio. Merito igitur summa eorum Principum commendatur pietas, qui non cæco quodam impetu impia suorum exactorum sequuntur consilia, eorumque persuasionibus patulas ubique concedunt aures, sed re ad consilium & æquitatem revocata, collectas ita imponunt, ut & obveniendi necessitati occurratur, & subditorum facultates non plane exhauriantur. Hinc ut æqualis tributorum pro cujusque facultatibus fieret computatio, in usu jam olim esse cœpit confectio Catastri, in quo omnia omnium subditorum bona & redditus consignarentur, & deinde secundum horum reddituum proportionem collectis subicerentur. Cum autem nihil in hac vita tam diuturnum ac stabile, quod non successu temporis mutetur, & vel augmentum, vel decrementum sentiat, & idem quoque in bonis ac facultatibus subditorum contingere expectum sit, svasit æquitas, ne cui injuria fieret, ut interdum Catastra reviderentur, & eorum tributa crescerent, quorum facultates accretæ, eorum vero diminuerentur, qui eorum passi essent jacturam.

Et hæc summa fuit ratio, quæ INVICTISSIMVM ac CLEMENTISSIMVM PATRIÆ NOSTRÆ PATREM, SERENISSIMVM ELECTOREM BRANDEBVRGICVM FRIDERICVM WILHELMVM, movit, ut pro indefessa sollicitudine, ac incredibili in subditos amore, simulac hujus Magdeburgensis Ducatus nancisceretur possessionem, inter ingentes & quasi concatenatas curas, in id paternum suum animum unice haberet intentum, ut quam celeberrime sub diuturnis ac nimis gravibus oneribus vacillantes & fere deficientes, subditorum suorum reficeret animos. Hoc vero cum commode expediri non posset, nisi ante omnia de subditorum constaret facultatibus, & quantum quisque tributi loco penderet, hinc summa prudentia ac incomparabili solertia statuit, Revisionem Catastri & omnium in universum bonorum esse instituendam, ad quam rite expediendam elegit Illustres, Generosos, Nobiles ac Jurisperitos, qui Revisioni huic interessent, & secundum hujus Revisionis tenorem, novum & exactum postmodum facerent Catastrum, & debitam inter omnes onerum exæquationem. Et hæc fuit occasio, quæ & mihi de inaugurali cogitanti ansam dedit hanc præ alia eligere materiam, quæ in omnium jam versatur animis, nempe

DE

REVISIONE CATASTRI.

CAP. I.

DE

DEFINITIONE REVISIONIS CATASTRI

TAM NOMINALI, QUAM REALI.

§. I.

Introitus.



Rubrica Disputationis hujus est REVISIO CATASTRI, nec satis scio, an operæ pretium sum facturus, si in horum verborum Etymologiam & genuinum sensum operosius inquisivero, cum eorum significatio unicuique, qui terminorum saltem Juris aliqualem habet notitiam, sufficienter nota sit. Interim tamen cum nominum præcipua haberi debeat ratio, secundum effectum Philosophorum, & ipsius Sacratissimi Imperatoris Justiniani in *l. 1. ff. de J. J. §. 2. l. de Tutor.* ideo non peccabimus, si eorum insistentes vestigiis, quædam huc pertinentia præmiserimus

§. II.

Etymologia.

Et quidem quod primo Etymologiam attinet vocabuli Revisionis, facile colligi potest, esse vocem compositam ex præpositione *re* & *videre*, ita ut revidere idem sit, ac rem semel lustratam, iterum de novo oculis subicere, & per Catastri Revisionem nihil aliud intelligatur, quam catastro jam dum constituti ac confecti renovatio, ac nova & iterata perlustratio. Habet equidem vox *videre* etiam varias in nostro Jure acceptiones, mox enim animo tribuitur, ut in *l. 1. §. 12. ff. de vi & vi arm.* mox passive sumitur & denorat, rem non ita esse, sed apparere, ut *l. 36. in f. & l. 37. ff. de contrab. Empt. l. 1. §. 12. ff. de vi & vi arm.* interdum certam negotii propositi decissionem & sic ipsam veritatem denorat, ut *l. 1. §. fin. ff. ad scr. Turpill. l. 71. §. 3. ff. de condit. & demonstr.* sed in his inquirendis nolo curiosus esse, Philologorum ac Lexicographorum hic est labor, quo me remitto. Catastrum vox est origine Græca,

ca, & derivatur ut plurimum a Græca καταγραφαι, quod lustrari significat, fortassis ideo, quod singulis lustris ejusmodi libelli conficiebantur, vel rerum æstimationes renovarentur. *Bartius in l. forma §. si cum ego ff. de Censib.* videtur Catastrum appellare librum, quo tributa & census solebant æstimari, & in §. si quis veniam ipsam æstimationem. In corpore nostro Juris vox Catastri non reperitur, hinc nonnulli eam pro barbara habent, sed hodie civitate donata.

§. III.

Revisio etiam sua habet Synonymia, & interdum idem *Synonymia.* est ac renovatio, reiteratio, relustratio, repetita ac iterata perceptio. Catastri Synonymia varia itidem est. Vocatur enim (1) Æstimum sive extimum, quod justam quasi bonorum contineat æstimationem. (2) Liber censualis, *Steuer-oder Saalbuch*, in quo bona censualia & census, h. e. tributum, sunt inscripti. Vocantur ita a Sala, sive aula sive basilica. Horum etiam fit mentio in R. I. zu Erfurt 1507. §. Damit aber 24. §. Wann dann 27. *Besold. contin. sub verbo Saalbuch.* (3) Matricula, quæ tamen absolute posita, propter excellentiam denotat illam potissimum, quæ Imperii Status designat. (4) Census in genere, l. 4. pr. ff. de cens. census enim olim publicam civium & bonorum significabat descriptionem. *Perez ad C. de cens. & censur.* (5) Taxa, partitio, distributio, quia catastra nullum alium in finem conficiuntur, quam ut secundum eorum taxam æqualis onerum fiat distributio. (6) Rationarium s. brevium Imperii, quod tamen in eo differt a Catastro, quod in eo tantum vires ærarii consignentur, ut Principi constet, quantum habeat in facultatibus.

§. IV.

Jam ad Definitionem realem. Definiri autem potest *Definitio* Revisio Catastri, quod sit reiterata civium & bonorum descriptio *Revisionis, Catastri,* in tabulis publicis, facta autoritate publica, eum in finem, ut tributa secundum augmentum vel decrementum bonorum, & exinde provenientium reddituum proportionem, inter subditos æqualiter distribuantur.

§. V.

Ita in præsens definire vel potius describere placuit *Explicatio* Revisionem Catastri; Accuratam enim definitionem secundum *Definitio-* *nis.* Logico-

Logicorum præcepta combinatam valde periculofam esse in Jure nostro, scio *l. 202. ff. de R. J.* Loco generis posui reiteratam descriptionem, utpote cum ad essentiam Revisionis Catastri requiratur, ut non solum subditi bona profiteantur, eorum professio a præsentibus revisoribus exaudiatur, sed etiam insuper requiritur, ut per ministrum publicum & juratum, omnia bona professa & personæ fideliter consignentur & describantur.

§. VI.

Notanter etiam dixi, esse descriptionem, in tabulis publicis factam autoritate publica. Est enim publica partim ratione causæ efficientis, fit enim autoritate publica & jussu Superioris, utpote quod in nostra Revisione necessario requiritur, item ratione formæ, quia in tabulis publicis, publico judicio, a personis publica autoritate ad id, constitutis, fit & perficitur, imò ratione finis, qui est publica subditorum utilitas, & maxime ratione effectus, facit enim fidem publicam, ita ut ejusmodi descriptioni semper & ubique credatur.

§. VII.

Reliqua verba Definitionis, quod sit civium & bonorum descriptio, absolvunt tam Subjectum, quam Objectum nostræ Revisionis, & tandem additur Finis, nempe utilitas & commodum subditorum, quod per exæquationem tributorum ad ipsos necessario redundare debet. Sed cum de his in sequentibus fusius simus dicturi, ideo hic prolixiores esse nolumus. Sit igitur

CAP. II.

DE

CATASTRO IN GENERE.

§. I.

Non incongruum esse putavi, si de Revisione Catastri acturus, quædam ad planiorem ac pleniorum hujus materiæ dilucidationem de Catastro in genere præmitterem. Et cum priore capite de nomine Catastri, ejus

ejus Etymologia & Synonymia tractaverim, hic brevibus quædam de ejus, nempe Catastri, origine, natura, necessitate & utilitate subjiciam.

§. II.

Et quidem quod originem Catastri concernit; nullum est ^{De origine} dubium, quin eadem cum collectis habeat incunabula, & ^{Catastri.} statim ab eo tempore cœperint fieri Catastra, sive censuales libri, quo collectæ subditis pro bonorum ac facultatum quantitate imponi cœperunt. Apud Romanos prima origo census merito tribuitur Servio Tullio, teste *Liv. l. i. c. 42.* & *Floro c. 6. l. i.* utpote qui primus effecit, ut ipsa se Respubl. nosceret. Instituit autem primo, ut singula capita liberorum recens natorum Junoni Lucinæ aliquid inferrent, patresque in censu conficiendo, non facultates modo in campo Martio in censum deducerent, sed suum quoque & uxoris nomen ætatemque & familiæ capita profiterentur. Hæc postmodum omnia in censuales tabulas referebantur, ut ita omnibus, non sentientibus, jugum intolerabile exactionum omnis generis imponeretur. Hujus censuræ duæ erant partes, una mores civitatis & civium investigabat, altera in facultates, possessiones & bona civium inquirebat & ea annotabat, & sic census institutus erat, in salutem tanti futuri Imperii, ex quo belli pacisque munia non viritim, ut ante, sed pro habitu pecuniarum, fierent, *Liv. l. i. c.* Postmodum Servius ex hoc censu quinque descripsit classes, & paci & bello decoras, & hoc in eum finem, ut a pauperibus in divites derivarentur onera. Et ne quid fraudis subesse posset, rigidam insuper hanc tulit legem, de his qui se censeri æstimarique nollent, vel mala fide minoris, quam valerent, æstimari paterentur, ut vinculis aut morte punirentur, teste eodem *Livio*. Postmodum cum successu temporis nonnullorum facultates interdum augerentur, aliorum vero decreverent & minuerentur, salubriter a Legislatoribus constitutum, ut Censores sive Peræquatores hujus rei curam gererent, & caverent, ne gravior alicui pro facultatibus sarcina imponeretur, sed æqualitas inter omnes, quoad fieri posset, observaretur. Hinc Peræquatores constituti, quorum hoc erat officium, ut inspectis prædiis ac bonis,

nis, census æquabili ratione imponerent ac emendarent, *Gottsfred. in not. ad L. s. C. de cens. & censib.* & ut gravatis ac injusto oneri imparibus levamen quærerent iisque succurrerent, *L. s. & t. t. C. de censib. & censit.* Et hæc fuit origo census & Catastrorum, quæ ad nostra usque tempora continuata tamdiu durabunt, quamdiu collectarum in Republ. nostra manebit necessitas.

§. III.

Ratio formalis Catastri.

Quæ autem sit natura Catastri & in quonam consistat ejus ratio formalis, jam paucis subjiciam. Optime autem de eo constare poterit ex definitione Catastri, quod describitur, quod sit designatio publica civium & bonorum in tabulis publicis, tributis & collectarum imponendi causa. Ratio igitur formalis Catastri in eo consistere videtur, ut nimirum publica autoritate conficiatur, & in eo personæ & bona subditorum describantur. Cur autem personæ catastrandæ? Hæc mihi subesse videtur ratio, ut de eorum numero, ætate, conditione & similibus Principi constare possit. Maxime enim conducit Principi, si ætatem, numerum ac conditionem subditorum suorum sciat, vel ad hoc, ut, si fortassis bellum aut alia publica ingruat necessitas, vires regni sui sciat, an sint sufficientes ad aliorum injurias propulsandas, & quantus tempore necessitatis numerus militum in unaquaque provincia proscribi possit. Nonnulli hoc eo extendunt, ut velint, dies natales & emortuales in Catastris notari debere, addita hac ratione, quod hoc probationem ætatis faceret securiorem, sed hoc superfluum dicerem, cum ex nominis, ætatis & professionis professione reliqua facile colligi possint, uti etiam cautum in *der Instruction der Taxatoren im Erb- & Stifft Magdeb. An. 1531. §. 1. seq.* Nec erit injustum, subditorum suorum numerum inire, cum & ipse DEUS in Sacris *Num. 1. v. 2.* jusserit, universæ congregationis filiorum Israël per cognationes & domus suas & nomina singulorum, quicquid sexus erat masculini a vicésimo anno & supra tollere summam, & per turmas suas numerare. Hæc autem designatio non nisi publica autoritate fieri debet illius, qui summam in Republ. habet potestatem, & quidem in tabulis publicis. Est enim character

Maje.

Majestatis descriptio subditorum, qui nemini competit, nisi Majestatem habenti, & cui iste concesserit. Post personarum designationem sequitur descriptio facultatum, secundum juratam cujusque professionem, ubi singula bona, negotiationes, lucra, proventus & redditus accuratissime catastranda. In accurata enim facultatum descriptione procul dubio ratio formalis Catastri consistit, utpote quæ est fundamentum distributionis collectarum. Hæc si recte se habeat, non potest non etiam justa onerum fieri divisio, contra, si in unico saltem fallat, inæqualitas quoque & injustitia in collectarum distributione non evitabitur. Consistit igitur forma Catastri in legitima & accurata subditorum ac facultatum descriptione.

§. IV.

Nec minor est Catastri necessitas. Nam sicuti tributis *De necessitate Cata-* & collectis Respubl. carere non potest, cum nec quies *stræ* sine armis, nec utrumque sine tributis haberi possit, *Liv. Hist. Rom. l. 1. Tacit. l. 4. Annal.* ita nec Catastro, utpote ex cujus legitima confectioe omnis justitia tributorum unice dependet, & sine quo debita difficulter servabitur æqualitas. Tributorum autem ac vectigalium necessitatem non nisi solidus & ratione carens negabit. Hæc enim vel ad domesticos Principis sumptus, vel ad exercitus, vel ad populum alendum, vel ad Magistratus, vel alia publica onera sustentanda colligi debent. Vid. de his pluribus *Klock. de contribut. c. 1. n. 45. seq.*

§. V.

Utilitas Catastri varia est, & partim ad imperantes, *De utilitate Catastri.* partim ad parentes redundat. Imperantium hæc est, ut, quoties necessitas efflagitat, tributa imponere, statim inspecto catastro vires & facultates uniuscujusque sciant, & pro cujusque conditione eum tributis subjiciant. Nec minor est utilitas subditorum. Catastrum enim efficit, ne quis præ alio gravetur aut injuria afficiatur, sed ut onera & tributa æqualiter distribuantur. Hæc enim æqualitas non potest haberi, nisi prius de facultatibus uniuscujusque, de annuis redditibus, modis acquirendi, consumptionibus & similibus constet, & pro harum circumstantiarum conditione, fiat distributio. Hic enim finis est, Catastrorum publica imperanti-

um autoritate confectorum , ut iis inspectis , & quasi pro fundamento positis , onus tributorum superinstruatur , ita ut pro cuiusque vel robore , vel imbecillitate nemini plus vel minus imponatur , quam valeant humeri aut ferre recusent.

Et hæc in genere de Catastro , ejus origine , natura , necessitate & utilitate dixisse sufficiant : transeo jam ad

CAP. III.

DE

CAVSA EFFICIENTE REVISIONIS CATASTRI.

§. I.

Causa efficiens Revisionis est Princeps.

Jus collectandi est Regale.

CAusa Revisionis Catastri efficiens eadem est , quæ ipsius Catastri , nempe Princeps vel is , qui habet τὸ κύριον in Republica. Quemadmodum enim solius Principis est imponere tributa , ita etiam revisio & adæquatio tributorum ipsi soli competet. Quod autem impositio tributorum sit solius Principis , ex eo facile probari potest , quod jus collectandi sit regale , imo a nonnullis inter majora referatur Regalia , l. placet C. de excus. mun. l. unic. C. de superindict. & accedunt huic sententiæ plurimi ex Dd. uti Montanus de Feud. p. 2. l. 6. c. 5. Schneidewin. de Feud. p. 2. n. 109. fol. 146. & p. 5. n. 19. Borcholt. de Feud. c. un. n. 53. Sixtin. l. 2. de Regal. c. 14. num. 17. Vultej. de Feud. c. 5. num. 7. Gilcken ad authent. quas actiones c. 10. ubi refutat Mindanum l. 2. de mandat. judic. c. 45. n. 5. expresse negantem , collectas esse de Regalibus. Menoch. consil. 32. num. 30. et 70. & consil. 983. num. 26. Wesenbec. consil. 198. & consil. 320. num. 26. 27. & 28. vol. 7. Comprobavit etiam hanc sententiam Camera Imperialis , testante Meichsuero Decis. Cameral. T. 2. l. 1. decis. 6. num. 129. §. quamvis seq. & T. 3. decis. 1. num. 13. Gylm. rer. judic. Cameral. l. 2. decis. 14. num. 27. & Symphor. supplic. T. 1. p. 2. tit. 6. vol. 1. num. 33. & vol. 4. num. 29.

num. 20. 35. 42. & vol. 6. num. 4. & s. *Ruland de Commiss. l. 6. n. 1. Constit. Feud. in c. un. quæ sint Regal.* Et hoc jus collectandi non solum de Regalibus est in Imperatore, sed & in aliis Principibus, Imperii Statibus, quibus hoc Regale jus vel ex privilegio, vel ex consuetudine, vel præscriptione, vel subditorum concessione competit per text. *c. super quibusdam §. præterea X. de V. S. Bocer. de collect. c. 1. n. 21.* Principes enim Imperii Germanici in suis Principatibus idem hodie jus habere dicuntur, quod Imperator in Imperio. Nec obstat nobis *l. 1. C. de superindict.* ubi soli Imperatori jus imponendi collectas tribuitur, nam idem jus Imperator Principibus per Investituram concessit, ubi in specie de Regalibus, ad quæ jus collectandi pertinet, fuerunt investiti. *Gaden Conf. 1. n. 4. Wesenb. Conf. 27. n. 29. Bocer. l. c. n. 22. & c. 4. n. 5.*

§. II.

Hic incidenter mihi liceat inferere hanc vexatam questionem: An liceat Principi non consultis Imperii vel territorii Statibus, proprio motu indicare tributa? Et summa ratio ac æquitas negativam defendere ivadet, quamvis non pauci reperiantur, quorum mores ad adulationem compositi, qui in favorem Principum contrarium, nescio qua conscientia, defendant. Probo autem assertionem meam his potissimum rationibus, & quidem (1.) Exemplo summi in Imperio nostro Monarchæ, qui fons & origo est, unde velut per rivulos & canales diffuit & promanat, quicquid est ipsam jurisdictionis Carol. *Topia in Rubric. de constit. Princip. c. 4. n. 10. Anton. de Petra tract. de Fideicommiss. q. 13. n. 562.* hic non nisi Electorum & Statuum Imperii consensu indicit collectas, & hoc vigore Capitulationum, uti in specie videre est ex *Capitul. Ferdinandi III. §. 13. & Ferdin. IV. §. 14.* item moderni Imperatoris LEOPOLDI I. §. 17. Idem apparet ex hodiernis Imperii Legibus, Recessibus Imp. ubi hæc solennes & usitatæ fere ubique reperiuntur clausulæ: *So haben wir uns mit den Ständen des Reichs, und Sie hñwiederumb mit uns, sich verglichen, R. I. de An. 1495. it. de An. 1500. A. 1512. §. Und damit die Mäßigung. A. 1518. A. 1522. A. 1526. §. It. Als auf dem Reichs-Tag. A. 1529. §. Zum anderen. A. 1530. §. Und nachdem offenbahr. A. 1532. princ. An.*

1542. &c. Ex quibus Recessibus colligere licet, quod nullum unquam arduum & difficile negotium inconsultis Imperii Statibus ab Imperatore fuerit susceptum, ad quæ ardua negotia extraordinaria tributa merito referimus, (2) Niritur hæc mea assertio æquitate. In materia enim collectarum omnis violentia abesse debet, quæ tamen non evitabitur, si subditis invitis & insciis sua eripiantur, & aurea plane sunt verba illustis Historici *Cominai l. 5. c. 18. Hist. Gall.* quando dicit: *Ecquis in orbe terrarum Rex aut Princeps est, cui jus sit tributum vel unius teruncii subditis suis sine ipsorum consensu imponere, nisi violentia, & tyrannide uti velit; Nulla enim subjectio, nulla servitus, nullum onus usquam impositum fuit, nisi populus, qui subiturus illa onera erat, impositioni ejusmodi consentiret.* (3) Ex ratione Juris Civ. quia id, quod est omnibus profuturum, vel potest esse nocivum, de consensu omnium est agendum; *l. 7. C. de omni agr. desert.* & ardua negotia non debent Principes expedire, priusquam ad populum Proceresque referantur. *Jason. in l. placet n. 10. C. de SS. Eccl.* (4) Exemplis & consuetudine omnium fere Imperiorum & Regnorum. De Imperio nostro Romano-Germanico, & in specie de Imperatore supra dixi, quod merito ad reliquos Imperii Status extendimus, utpote qui veluti membra capitis moderamen sequuntur, imo in exactione collectarum ipsis certa methodus præscripta in R. I. ne nimirum plus a subditis suis exigant, quam quota eorum importat, *R. I. ju Speyer A. 1548. §. Damit aber gemeine. R. I. ju Augsburg A. 1566. §. Dieweil nun diese, & R. I. ju Regensburg A. 1557. §. So soll es deromegen. ibid. A. 1567. §. Und nachdem ist. ibid. A. 1570. §. Und nachdem diese &c.* De Regno Angliæ testatur Sanctio Eduardi I. Regis Angliæ, qua interdictum Regibus, citra consensum consiliumque universæ Angliæ, plebeja tributorum indictio A. D. 1298. uti ex *Polyd. Vergilio refert Petr. Gregor. in Syntagm. Jur. un. l. 3. c. 3. n. 8.* De Regno Svediciæ videatur *Henr. Soterus descript. Sued. rubr. 4. de vefigal. Regiis p. 178.* quod etiam patet ex Legibus regni Sveciæ publicis, quas refert idem *Soterus d. l. in rubr. 3. ex illis verbis*: Atque in iis casibus (scil. necessitatis & utilitatis

tatis publicæ) debet quilibet Episcopus cum sex Nobilibus in quolibet districtu seu legiferatu, & sex de populo ponderare, in quantum populus potest suo Regi pro tempore & facultate subvenire. De Gallia testatur *Bodin* l. 6. de Rep. c. 2. De Hispania *Parlador* l. 1. rer. quotid. c. 3. fol. 17. n. 13. De Hungaria, Anglia, Polonia, *Heig.* l. 9. 18. n. 8. *Cromer.* de Rep. Polon. De Dania ex *Alemann.* & *Chytrao* refert *Matthias de contribut.* c. 12. n. 36. Imo & barbarorum ac inculturam gentium hic mos est, ut in impositione tributorum Status vel Proceres in consilium adhibeant, uti de Turcis notum, qui ideo pecuniam illam, pro publicis necessitatibus exactam, Haran agameni cani, prohibitum sudorem subditorum, sive sacrum populi sanguinem appellant, utpote cujus non minus curam, quam ipsius sanguinis habendam, uti refert *Possellus de Rep. Turcica* l. 3. Obijciunt quidem nonnulli in contrarium, hac ratione nimis restringi Majestatem Principum, imo sæpius per diuturnam ejusmodi deliberationem opportunitatem agendi amitti, imprimis si res moram non patiatur. Sed respondetur, hac ratione summæ Principis potestati nihil derogari, si ex amore & paterno in subditos affectu, in rebus arduis Magnatum adhibeat consilia, cum hac ratione tutius procedatur, nec cuiquam facile injuria fieri possit. Sed ne nimis a scopo recedam, revertar, unde digressus sum.

§. III.

Est igitur, uti modo dictum, causa Revisionis nostræ efficiens Princeps, vel suprema in territorio potestas, die hohe Landes-Obrigkeit. An autem eadem necessitas consensus Statuum in Revisione Catastri, quæ in tributorum impositione? merito dubitatur, cum & Princeps proprio motu illam jubere possit, si fortassis ex subditorum querelis, de inæquali onerum distributione conquerentibus constet Principi, peræquationem esse faciendam & Revisionem instituendam. Non tamen inconsultum erit, si subditorum vel Statuum provinciæ opiniones colligat, qua ratione potissimum revisio expedienda, & quomodo gravaminibus subditorum, contra publica onera eorumque inæqualitatem ingementium, debito moderamine occurrì possit, ita ut & Prin-

An idem consensus requiratur in Revisione?

Principi sua maneat competentia, nec subditi sub nimio onere succumbant. Et cum non exigui sumptus ad ejusmodi Revisionem requirantur, ita ut subditi per Revisionem levamen quærentes, sapius plus incommodi, quam commodi, exinde sentiant, de iis, ad debitam æquitatem reducendis, non inutiliter cum Provinciæ Statibus instituetur deliberatio.

§. IV.

*Excludun-
tur*

1. *Magi-
stratus Mu-
nicipales.*

Cum igitur soli Principi jus imponendi collectas, & Catastra vel eorum Revisionem imperandi facultas competat, merito hic excluduntur (1.) Magistratus municipales. Si enim cuilibet inferiori Magistratui concederetur hæc potestas, exhaurirentur facultates subditorum, & eo modo jus Superioris in casu necessitatis redderetur inane, propter paupertatem subditorum imminuereturque jus Regaliorum. Deinde etiam collectæ, quæ ab inferioribus potestatibus fiunt, Constitutionibus Imperatorum severe prohibentur & damnantur, *l. un. C. de superindict. Brunn. Comment. in hanc legem Klock. de contrib. c. 3. n. 136. Rosenthal de feud. c. 5. concl. 74. l. placet C. de excus. mun.* Imo omni fraudi ac malitiæ aperiretur fenestra, si inferioribus promiscue Magistratibus hæc potestas imponendi collectas concederetur, quippe qui hac libertate concessa, subditos pro lubitu degluberent & expilarent. Patitur tamen hæc nostra assertio hanc restrictionem, ut nimirum liceat illis collectam imponere, si Regalia, vel etiam Jurisdictionem Civilem, ex peculiari privilegio, vel etiam consuetudine & præscriptione, habeant. Dicunt enim Doctores, Regalia & Jurisdictionem apud civitates & oppida esse posse, sine præjudicio universalis jurisdictionis, quam Princeps ibidem habeat. *Cravett. conf. 673. n. 15. Roland a Valle Conf. 1. n. 143. vol. 2. Joh. Petr. Sund. decif. 228.* Aliud etiam est collectio & distributio collectarum, aliud earum impositio; Prius conceditur Magistratibus municipalibus, posterius certo respectu negatur. (2.)

2. *Domini
ratione Va-
fallorum.*

Excluduntur Domini ratione Vafallorum, Vafalli enim non ulterius tenentur, quam ad certa servitia, ad quæ se Domino feudi in Investitura obstrinxerunt, *Jacob. de Agello de Jure Adole. n. 17. n. 20. & 21.* (3.) Comites, Barones, No-

3. *Comites,
Barones.*

biles, nisi majora habeant Regalia, ad quæ has, de quibus

bus dixi, collectas refero. De privatis enim collectis hic non est sermo.

§. V.

Occasione hujus etiam quæritur : Quoties Revisio Catastri instituenda & reiteranda ? Et fateor, difficile esse, certum aliquod hic determinare tempus, vel certos annos præscribere, toties faciendam dicerem, quoties id defectorum levamen exposcat, uti dicitur in *l. omne territorium C. de cens. & censu*. vel publica utilitas ac æquitas svadent. Nam si Imp. Constitutiones evolvimus, invenimus in nulla alia materia æqui bonique rationem tam solemter inculcari, quam in materia contributionum. Sic in *R. I. de A. 1512. §. und solches de A. 1524. §. Item wiewohl de A. 1529. §. und wiewohl A. 1541. §. und wiewohl A. 1542. 1548. §. und demnach vid. Sixtin. de Regal. l. 2. c. 14. n. 153*. Imo communis fere DD. opinio, in publicis bonorum descriptionibus seu uniuersali Catastro totius regionis, unde collecta Principi solvitur, adeo nullam certam induci obligationem, ut singulis quadrimestribus descriptiones ejusmodi sint revidendæ ac peræquandæ, ne quid ad releuationem divitum & inopum perniciem fiat, *l. 1. C. de Apoch. publ. l. 1. C. de offic. Comit. sacr. largit.* Ad summum autem intra decem annos iis, quibus fructus augentur, collectam augeri, quibus vero minuuntur, & collectarum onus imminui debere putant. Reformatio enim initur ratione augmenti vel decrementi s. diminutionis facultatum, fructuum & reddituum, ut omnia ad justam æquitatem redigantur. *Thomas. de collect. §. retenta n. 7. Wesemb. conf. 103. n. 26.* Placet etiam nonnullis, quolibet quinquennio deberi institui Revisionem Catastri, *Boff. tit. de Princip. n. 103. Menoch. conf. 1145. in f. & conf. 1201. n. 47. Lancell. Gallia conf. 27. n. 74. & 75.* & addunt rationem, quod rerum status tanto tempore varietur. *Knichen. Encyclop. c. 10. n. 108.* Ego hic arbitrium summi Principis seu Superioris agnosco, qui ut in omnibus pro omnium & singulorum salute excubias agit, quoties æquitas & publica efflagitabit utilitas, Revisionem jubere poterit.

CAP. IV.

DE

MATERIA REVISIONIS CATASTRI.

§. I.

*Materia
apud Phi-
losophos
triplex.*

IN Philosophorum scholis triplicem invenimus materiam: Ex qua, in qua, & circa quam. Illam proprie materiam, istam subjectum & hanc objectum nominant. *Quirin. Cuiusbach. lib. Procord. c. 7. de mater. prim.* De materia ex qua Jctus non est sollicitus, utpote quæ tantum substantiis corporeis inest, non vero incorporeis, qualis est Revisio Catastri.

§. II.

*Objectum
Revisionis.*

Quod igitur attinet materiam circa quam, seu objectum nostræ Revisionis, brevibus me expedire possum, si dicam, quod sint omnia subditorum bona, imprimis illa, ex quibus lucrum vel commodum aliquod percipiunt possesseurs. Quemadmodum enim Catastrum per æs & libram seu pro modo facultatum hoc ordine & forma conficiendum, ut omnia bona, tam mobilia, quam immobilia & se moventia registrentur, *Wesemb. conf. 215. n. 19. passim, l. si functiones, ubi Bald. ff. de donat. l. 1. ff. quod cuiusque universitatis nomine.* Ita etiam Revisio ejusdem, eodem ordine & eadem forma observata, fieri debet.

§. III.

*Prædia
Rustica.*

Revidenda igitur sunt (1.) Prædia Rustica, sive a Rusticis seu Nobilibus possideantur, & collatis anterioribus Catastris videndum, an singula Catastro illi inserta, an vero quædam omissa, quæ tamen omnino collectari debuissent, item attendi debet, in quantum vel meliora facta, vel deteriorata, quod fideliter describendum, ut pro harum circumstantiarum ratione, vel oneri quid detrahatur, vel addatur. Et quidem tam fecunda, quam infœcunda. *l. 4. ff. de cens. rei-*

revidenda sunt. Leges enim volunt, ut crema & deserta his, quæ culta vel opima sunt, compensentur, *l. 4. C. de cens. & censit.* & qui utilia Reipubl. loca possident, permixtione facta etiam deserta suscipiant, *l. 5. C. de omni agro desert.* Hinc etiam receptum est, certas classes colonorum facere, quia prædia non ubique ejusdem bonitatis pro ratione situationis, frugalitatis & onerum. Et sic expresse cautum in der *Instruktion vor die im Herzogthum Magdeb. verordnete Revisions-Commissarios* §. 7. Redituum enim & fructuum ubique habenda ratio potissima, utpote quorum causa expeditur Revisio. Si quis igitur in professione bonorum profiteatur, prædium suum esse sterile ac infructuosum, hac sola relatione non acquiescendum, sed ulterius inquirendum, quoniam istius causa, an natura soli, an casus, an vero negligens cultura, & si posterius, puniendus potius erit, quam relevandus, aut alicui diligentiori cultura demandanda, cum nemini sua negligentia debeat esse lucrosa, vel tertio seu diligentiori damnosa. Contra autem si tale prædium casu quodam factum fuerit infœcundum, in Revisione Catastri vel minui debet onus, vel omnino tolli, uti suadet *Ulpianus in d. l. forma* §. ff. *de cens. & Comment. in h. l.*

§. IV.

Revidenda sunt (2) *Prædia Urbana*, iterum adhibitis simul *Prædia Urbana.* priorib. Catastris, quod in omni Revisione erit perpetuum, & videndum, an pensiones ex domibus venientes auctæ sint, vel diminutæ, *Lucas de Penna in l. 1. C. de annon & tribut. Festas de Aestimio p. 2. c. 1. n. 15. Roland. Conf. 66. n. 32. l. 1.* An reditus sint perpetui, an temporarii, an aliunde sumserit incrementa per hospitalitatem oder *Wirthschaft*, meliorationem, privilegia, vel quælibet lucra ei adjecta. Domus enim semper æstimanda ratione redituum & pensionum, non vero pretiositatis & valoris, uti Imperatores *Valent. & Valens, ir. Gratianus in l. 2. C. de præd. et omn. reb. navic.* rescripserunt expressis verbis: *Domus, quarum cultu decus urbium potius, quam fructus acquiritur, ubi veneunt, pro tanto modo ad pensionem obligari placeat, quantum habeant emolumentum, cum pecunia mutantur. Ubi vero spatium loci & exiguitas nullam habuerit pensionem, aut exstru-*

Etio cuius est ardua difficilisque molitio aut decus sumptuosum, aut (ut est plerumque liberale institutum) habitationem quis suam urbis ornamento adiecerit, nolumus munificentiam, qua postmodum addita est, improbam licitationem asimationis excipere, sed vetusta potius loci species & pensio cogitetur, quam cultus hodiernus, qui industria hominis animosi accessit. Ad prædia urbana etiam referuntur Salinæ, l. forma §. salinæ ff. de Cens. & cum proventus & redditus exinde provenientes sæpe varient & inconstantes sint, ideo etiam sæpius erunt revidendæ, imo, si commodum visum fuerit, quotannis. Sic etiam huc pertinent Molendina, quæ etiam Revisioni sunt obnoxia, Menoch. consil. 1201. n. 50. quorum varia sunt genera, Wasser- Wind- Roß- Korn- Mühlen, Dehl- Papier- Schleiff- Wale- Mühlen, imo etiam officinæ ferrariæ, Schmeltz- und Hammer- Hütten, vitrariæ, ubi vitra constantur &c. Hæc omnia sub Revisionem cadunt, & pro ratione augmenti, vel decrementi describuntur, Rövenstr. Diecht. Bedenk. §. 30. Klock. de contribut. c. 17. n. 61. seq.

§. V.

Lucra ex
industria
vel artificio
venientia.
Ex mercatura,

Revidenda porro veniunt (3.) lucra & commoda ex industria, artificio vel opificio obvenientia, & quidem potissimum, quæ ex mercatura proveniunt, nam cum merces mercatoribus loco mobilium sint, & secundum LL. domicilii æstimentur, merito etiam collectis subjacent, l. filii §. fin. ff. ad Municipal. l. 18. §. 18. & 22. ff. de muner. & honor. l. semper §. 8. de jur. immun. Menoch. consil. 9. per 101. Decian. consil. 69. n. 1. 2. vol. 3. & in Revisione Catastri pro eorum conditione vel pingviori, vel viliori facta collectantur. Nec deficit ratio, cum mercatores eorumque merces sub securitate & defensione sint illius Magistratus, qui collectas imponit, ergo etiam pro commodo, quod ex præstatione securitatis percipiunt, collectas præstare non detrectabunt. Nec obstat, quod nonnulli dicant, merces mercatorum non esse oneribus subjiciendas, quia multis fortunæ casibus sunt expositæ, Cravett. consil. 497. n. 3. v. 5. nam non nisi ratione lucri imponuntur collectæ, quo cessante, vel minore effecto, cessat etiam revisio & onus consuetum. Nec tantum in loco domicilii catastari & revideri possunt mercatores, sed

sed ubique locorum, ubi tabernas suas habent, & negotia-
tiones exercent, ratione mercium, quas ibi habent, *Brun-*
nemann. ad L. 4. ff. de cens. Optandum quoque esset, ut si-
mul consilia susciperentur de effreni mercatorum licentia co-
ercenda, qua in dividendis mercibus, posthabita plane con-
scientia, utuntur: publice enim interest, ut justo pretio
quævis præbeantur, rerumque omnium affluens copia sit,
Nov. 24. c. 3. & superflua merces a quocunque libere ven-
dentur, necessaria emanant, l. 1. pr. vers. quod alteri ff. de
contrah. empt. auth. præterea C. de SS. Eccles. Sed hoc vix
per tributum auctorem efficietur, cum aucto tributo, merca-
tores quoque pretia rerum pro lubitu crescere faciant, de
qua re valde conqueritur *Thomaz. de muner. §. exposuimus*
n. 16. quod collectæ non tam in Mercatorum, quam empto-
rum gravamen redundant: Monopolis quoque pro lucris & *Monopolæ.*
commodi ratione onus imponendum & augendum, cum
enim pestilens hominum genus sit & Reipubl. maxime no-
xium, ut ideo etiam sub poena confiscationis olim fuerint
prohibita, *l. un. C. de monopol. R. I. de A. 1548. von den schäd-*
lichen Monopoliën, de A. 1577. art. 18. Imo cum lucrum,
quod plures habere possent, soli percipiant, eorum quoque
in collectarum impositione præ aliis habenda ratio. Pro-
stant etiam variæ Principum constitutiones contra mercato-
rum licentiam, sed cum executione careant, sunt instar
campanæ sine pistillo.

Huc pertinent opifices, venatores, piscatores, braxa-
tores, & quilibet alii artifices, qui in duas classes solent *Opifices*
dividi. Prima est eorum, quorum officia adeo necessaria, *Venatores*
ut iis nullo tempore commodè carere possimus, ut pisto- *Opificum.*
rum, lanionum, futorum, sartorum, qui & belli & pacis *Prima.*
tempore in Republ. adesse debent, & horum quia pingvior
conditio ac lucra majora, ideo etiam majora ferent onera.
Secunda eorum, quorum officia non ubique, nec omni *Secunda.*
tempore necessaria, ut textorum, pannificum, fabrorum
lignariorum, figulorum &c. hi in distributione collectarum
minoris æstimabuntur. Unusquisque enim in tantum con-
currere debet ad collectam, quantum fert modus suæ pos-
sessionis.

sessionis & non ultra, l. 1. C. a quibus mun. nem. lic. se excus. l. 2. de annon. & tribut. l. fin. C. de immun. nem. conced. l. 1. C. de muner. patrim. & ita ratio hujus pensitationis ineunda, ut eis necessaria pro sustentatione suorum reserventur. *Thomas. de collect. c. exposuimus n. 14. Roland a Valle conf. 66. n. 23.*

§. VI.

Nomina
Schuls
den.

Annui re-
ditus.

Revidenda porro sunt (4.) Nomina certa & exigibilia, actiones & annui redditus, sive sint perpetui, sive temporales, sive ex re immobili, sive ex contractu vel qualibet conventionione debeantur. Nam licet annui redditus interdum inter immobilia reputentur, si non sint ad modicum tempus constituti, *Gail. 2. Obs. 10.* magis tamen placet eorum opinio, qui neque mobilibus, neque immobilibus accensent, sed tertiam & singularem speciem constituunt, quæ est jus sive actio ad illos exigendum, *Klock. de contrib. c. 11. §. 72.* Censendi autem sunt in eo loco, ubi debentur, *R. I. de Ann. 1544. §. Und damit der Kirchen.* Horum autem Registratio admodum difficilis, quia homines hæc libenter occultare solent, nec facile quis inveniatur, qui candide & sincere omnia profiteatur. Hæc nomina debent esse certa & exigibilia; nam si incerta vel emortua, ad nihil tenebitur subditus, quia nihil percipit, interim tamen in æstimatione annotatione. De redditibus annuis prostat *R. I. de A. 1542. & 1544.* ubi modus certus præscribitur, qui tamen hodie non adeo stricte observatur, sed hic indistincte pro quantitate fructuum & reddituum, deductis impensis, computatio fieri debet, *Klock. de contrib. c. 17. §. 66. Rövenst. tr. sape alleg. §. 31. & 38.* Hinc etiam volunt lucra & obventiones ex servitio registrari & censeri debere, uti factum in Imperio Roman. A. 1542. ut patet ex *Recessu Imp. ejusd. anni Spira habit. §. Und miemohl & secundum Ordin. Regim. zu Augsburg de A. 1500.* ubi quilibet servus vel ancilla de quolibet floreno sexagesimam floreni partem conferre debuit, ad expeditionem Turcicam; quod tamen extra hunc casum extremæ necessitatis extendi non debet. Idem dicendum de Salariatis Officiariis, qui a Principibus ingentia & magna salaria quotannis percipiunt, hos quoque urgente necessitate publica portionem quandam salarii in publicum usum con-

Lucra ex
servitio.

ferre.

ferre debere. *Wilb. Neu-Meyer von Schapungen c. 7. p. 492. n. 10.*

§. VII.

Porro jam in Catastri Revisione revidenda veniunt (5.) *Bona mobilia.* Bona mobilia, ut pecunia fœnori exposita, sive sub cambiis Argentariis data. *Cravett. conf. 497. n. 1. Natta conf. 48. n. 4. & conf. 418. n. 6. & conf. 433. n. 5.* item pecunia commutata, quæ tamen cum plus lucretur, quam pecunia fœnori exposita, ideo etiam gravius censeri debet, juxta tenorem *R. I. de A. 1544. §.* Und dieuveil nun. Item pecunia in emptionem prædii cum pacto de retrovendendo collata, cum enim hæc certos & interdum locupletes ferat fructus, maxime etiam erit censenda. Hic incidit quæstio de mundo nudiebri, lapidibus pretiosis, annulis, clinodiis, vasis aureis & argenteis, an hæc etiam in Revisione Catastri describenda, & collectis oneranda? Et affirmatur prius, negatur posterius. Cum enim hæc res sint otiosæ, & nullos ferant fructus, possessiones steriles autem, quæ non afferunt aliquam utilitatem, non gravari debeant, eo quod istud est onus fructuum, *l. neque si stipendium ff. de imp. in reb. dot. fact.* & nemo plus oneris sustineat, quam emolumenti & lucri ex rebus capiat, & tributa iniqua non sint exigenda, *auth. sed & C. sine cens. vel reliquis*, imo non nisi ad solam pompam & inanem gloriam adhibeantur, nulla de iis poterit dari collecta: Facile tamen concederem, si in poenam eorum imponeretur, qui præter status conditionem plus ejusmodi rebus impendunt, quam debent, vel Reipubl. salutare. Interim tamen & hæc bona in Catastra poterunt describi. *Klock. de contrib. c. 11. §. 67.*

§. VIII.

Materiam in qua, sive Subjectum nostræ Revisionis erunt omnes subditi, nemine excepto. Sive sit Clericus, s. Laicus, s. Nobilis, s. plebejus, s. incolæ, s. peregrinus, omnes in Catastri Revisione describendi & consignandi sunt a Peræquatoribus. Negari quidem non potest, esse nonnullos, qui a collectarum munere dicuntur immunes, & hoc vel ex speciali privilegio & concessione, vel ex præscriptione, vel recepta loci consuetudine. Possent enim alicui concedi immu-

Subjectum Revisionis.

immunitatem, omni caret dubio, cum quilibet de suo pro lubitu statuere possit, sed tunc remissam collectam ex suo ærario præstare debet Princeps, ne alii accrescat remissum onus, secundum *Cassiodorum l. 2. var. Epist. 17.* munificentiam nostram nulli volumus esse damnosam, ne quod alteri tribuitur, alterius dispendiis applicetur. Nec inferri a quocquam volumus, quod alteri nostra largitate remisimus, ne (quod dictu nefas est) bene meriti munus innocentis contingat dispendium.

§. IX.

De immu-
nitate Cle-
ricorum.

De immunitate Clericorum communis omnium DD. sententia est, eos ab ordinariis collectis eximendos, quod etiam Jus Civile & Canonicum suis sanctionibus confirmat, *de SS. Eccl. avth. item nulla § l. 33. §. 7. C. de Episc. & Cleric. c. non minus Sc. adversus x. de immun. Eccl.* ubi etiam anathemate terrentur illi, qui Ecclesiasticas personas collectis subijcere ausi fuerint. Huic opinioni omnes Doctores Pontificii, & plurimi etiam ex nostratibus assentiuntur, & hanc assertionem de Ecclesiasticorum libertate acerrime propugnant. Hæc tamen si simpliciter & sine omni restrictione dicantur, vix poterunt admitti, utpote cum leges & consuetudines hanc Clericorum immunitatem certis limitibus includant. Sic igitur statuo, a muneribus personalibus semper & ubique immunes esse debere Clericos, & hoc ex summa ratione ac æquitate, ne, dum sacris & precibus intenti esse deberent, & animarum invigilare salutem, per ejusmodi temporales res avocentur & distraherentur. Hinc liberi sunt ab hospitacionibus propter insignes molestias, quas secum ferre solent milites in iis domibus, quas inhabitant, *l. 1. C. de Episc. & Cler. arg. l. 6. de profess. Medic. c. 1. x. de immunit. Eccles.* ne turbentur eorum preces ac meditationes, aut eorum personæ, quæ reverenter habendæ, lædantur. A muneribus patrimonialibus tam ordinariis quam extraordinariis, immunia sunt omnia Ecclesiæ bona, tam Jure Divino, *Lev. 27. Esdr. 4. v. 27. Gerh. de Magistr. polit. §. 440. Balduin. Caf. Conscient. l. 4. c. 12. cas. 13. & 14.* quam Civili, *l. 5. § l. 22. C. de SS. Eccl.* ubi ab omnibus tributis immunes pronunciantur, nisi bona Ecclesiastica, antequam ad Ecclesiam

siam devenerunt; fuerint onerata, tunc enim res transit cum suo onere, *l. 5. §. fin. ff. de cens. l. 67. ff. de contrah. empt. Andr. Knichen de vestit. pact. P. 2. c. 3. n. 38. Everhard. conf. 30. n. 25. Klock. de contrib. c. 19. n. 32.* De reliquo etiam summa ratio svadet, ab omnibus tam extraordinariis, quam ordinariis oneribus eximi Clericos & bona Ecclesiæ, utpote cum bona, quæ DEO ejusque Ecclesiæ dicata & consecrata, nullum in alium usum, præterquam cultus divini, converti debeant. Nam licet Reipubl. conservatio etiam salvam reddat Ecclesiam, & in eum finem tributa exsolvantur, ut salva & incolumis Respubl. conservari possit, nec fas sit, ibi debitam assistentiam detrectare, ubi summum spectatur commodum; Interim tamen, quia verus cultus divinus, preces & vigiliæ etiam non parum conferunt ad Reipubl. salutem, pium ac æquum est, eos ab oneribus liberos præstare, qui sacris ejusmodi negotiis vacant. Imprimis si aliunde Respubl. habere possit, unde sustentetur & conservetur. Aliud fortassis dicendum, si abundantia sint Ecclesiæ bona, & proventus exinde venientes immodici, ibi enim potius in Reipubl. commodum aliquid decerpendum, quam permittendum, ut luxui Clericorum inserviant, & nimia hac opulencia pietas ac religio suffocetur. Quicquid in contrarium contra immunitatem hanc afferri solet, quamvis non plane de nihilo, aut æquitati incongruum sit, attamen observantia ubique aliud introductum, quæ summum meretur favorem, præsertim in tanta Ecclesiarum nostrarum paupertate. Excipiuntur tamen hi casus, si Respubl. *Exceptio.* in summo discrimine constituta, bellicis vel aliis publicis necessitatibus affligatur, ut in expeditionibus Turcicis, *l. 11. C. de SS. Eccles. l. 2. C. de quib. munerib. vel præstat. nem. liceat se excus. R. I. zu Edlin A. 1512. §. Wo aber Geistl. Pörsöhnen &c. R. I. zu Speyer A. 1542. §. Wir haben auch 2c. §. Und wiewohl in dem jüngsten 2c.* Et hic obtinet vulgaris regula, quod omnes tangit, ab omnibus curari, portari & sublevari debet. Si enim Res periclitatur publica, omnino justum est, ut omnes, qui sunt in Republ. succurrant, ac laboranti bono publico opem ferant, *Klock. de contribut. c. 12. n. 212.* ubi in seqq. plures proponit limitationes, quando

D

Clerici

Clerici ad solutionem tributorum sint obstricti, *Annaus Robertus rer. judic. l. 2. c. 2. Dedeken. in Consil. Theol. tit. vom Predig. Ambt sect. 4. n. 10.* Porro excipitur casus, si Clerici habeant bona privata & patrimonialia, quæ onera non respuunt, *Carpzov. l. 2. def. 311.* Imo hic causæ cognitionem Domino supremo territorii relinquerem, quando & in quantum bona Ecclesiæ & Clericorum censenda, sufficit probasse, non illicitum esse, ingruente necessitate, tributa iis imponere, nec facile quis reperietur qui hoc suo privilegio urgente necessitate se tueri velit, vel voluntati Superioris in hoc refragari. Exemplum habemus omnium exemplorum Salvatorem nostrum JESUM CHRISTUM, qui, cum Dominus esset totius hujus Universi, Rex Regum & Dominus Dominantium, tamen non immunis esse voluit, sed Cæsari censum dare jussit, & ipse pro se ac Petro exsolvit, *Matth. 22.* Hodie, ne in fraudem fisci & tributorum aliquid fiat, multis in locis speciali lege prohibitum, ne bona immobilia in Clericos alienentur, cum enim Ecclesia habeat manus mortuas, nec facile restituat, quæ semel tenet, hac ratione huic malo prospicere voluerunt Magistratus, *Carol. Molinans ad consuet. Paris. tit. 1. §. 51. Petr. Gregor. Tholos. Syn. Jur. Univers. l. 6. c. 5. n. 17. & l. 15. c. 37. n. 4. Renat. Choppin. de Doman. Regn. Franc. l. 2. c. 13.*

§. X.

Nobilium.

Nobiles privilegium itidem eximit ab ordinariis muneribus, utpote quam immunitatem propterea acquisivit Equestris ordo, quia onera olim belli portavit solus, & nemo nisi Nobilis militabat, *Besold. c. 4. de Erario n. 20.* Hodie ideo habent, quia tenentur equos alere, weil sie Ritter Pferde halten müssen, ad aulam Principis citati comparere, zu Hofe kommen, in expeditionibus comitari, quod sæpius magnis suis sumptibus faciunt, & alia, si requirantur, officia præstare. Iniquum igitur foret, duplici illos subicere oneri & præter servitia bellica ad provinciales quoque collectas præstandas adstringere. Sunt igitur omnino immunes Nobiles ab omnibus collectis. Quicquid etiam in contrarium dicatur, ob supra allatas rationes, ita ut non nisi summa & extrema urgente necessitate collectari possint, hac enim ingruente,

ingruente , nec Nobiles a collectis se excusabunt , sed a summis Nobilibus usque ad infimos plebejos & populares sarcina decurret , *l. 1. C. de quib. mun. nem. se excus.* cum generale sit , quod immunitas a collectis concessa non extendatur ad eas , quæ nova necessitate imponuntur , vel similes ob causas , *Petr. Frid. Mindan. post alios , quos allegat l. 2. de Mandat. Judic. c. 45. n. 12. seq. Alth. l. 2. Dicoenolog. c. 3. n. 69.* Ejusmodi necessitas est Tempus belli , & in specie Turcici , & expresse cautum videmus in R. I. præter collectam Turcicam , nullam aliam Germaniæ Nobilitati imponi posse , uti videre est in *Recessu Augustan. A. 1500.* ubi expresse statuitur , quod Nobiles in Imperio immediate in præstandis collectis partem hujus ferant. Ex quo concludi posse credo , a cæteris collectis Germaniæ Nobiles plane debere esse immunes ; Non enim specialiter dispositum fuisset de collecta Turcica , si ad omnes sustinendas fuissent obligati. Habent igitur & fruuntur hac immunitate partim ex Cæsareo privilegio , partim ex præscriptione , partim ex consuetudine , *Gvid. Papa Decis. 384. Tiraquell. Tract. de Nobil. c. 20. n. 68. Mynsing. Decad. 15. Resp. 1. n. 39. 44. seq.* Videatur pluribus de Nobilium immunitate *Spanenberg. im Adel. Spiegel, p. 2. l. 11. c. 19. Phylug. de Rep. Germ. Tessaür. quæst. forens. 8. Guid. Papa decis. 384. Thomat. de collect. §. 1. molestia n. 4. §. exaction. 33. seq.* In Révisione interim Catastri non erunt omittendi Nobiles , non quidem cum in finem , ut censeantur , sed ut notum fiat , an præter bona feudalia & libera etiam alia possideant tributis obnoxia , quod hodie non adeo infrequens. Quoad ejusmodi enim bona non erunt immunes , sed saltem ratione feudorum , pro quibus servitia præstant. *Speidel. Specul. Variar. Observ. & notab. verb. Steuer.*

§. XI.

A Revisione & collectione videntur eximendi Forenses , utpote in quos externo Principi nulla jurisdictio ratione personæ competit. Collectæ autem ratione jurisditionis in personam imponuntur , quæ non exercetur , nisi in subditos , quales non sunt Forenses , *Cravett. consil. 195. n. 1. Natta cons. 105. n. 8. Fulv. Pacian. cons. 5. n. 8. & cum forenses*

renses nec honores, nec dignitates, aut alia loci beneficia ac privilegia, percipiant, hinc & naturalis ratio jubet, ut nec collectis onerentur. Sed quicquid horum sit, nihilominus forenses collectarum oneri se non poterunt subtrahere, utpote quæ non semper ratione personarum, sed potissimum ratione bonorum imponuntur, & tenetur utique forensis ratione prædiorum, in collectantis territorio sitorum, collectam solvere. *Mysf. Resp. 64. n. 50. decad. 7.* maxime si ob communem utilitatem imponatur, cujus pars etiam ad forenses redundat, ut si pro tuitione territorii fiat, in quo forensis sua habet prædia, vel refectione mœniorum, ubi domicilia possidet; tunc enim quia sentit commodum forensis, & incommodum suscipere non detrectabit. Imo & personis forensium sarcina collectarum imponitur, si vel consuetudine, vel immemoriali præscriptione hoc ita fuerit introductum, *Sixtin. de Regal. l. 2. c. 14. n. 30. 34.* Plurès casus, ubi forenses collectandi, singulatim recenset *Bocerus de collectis c. 9. n. 12. seq. Klock. de contribut. c. 13. sect. 1. §. 8. seq.* quo me brevitatis causa remitto. In hoc utique peccatur & peccatur maxime, quod majora plerumque onera forensibus pro suis bonis imponantur, quam ipsis civibus, qui tamen duplici gaudent protectione, & personæ & rerum, cum forenses ea tantum ratione rerum fruuntur, & summe necessarium foret, ut huic inæquitati per publica Edicta occurreretur. Videatur omnino de collectione forensium *Frantzkius var. resolut. 20.* ubi asserit, quod si collecta propter avertendam jamjam imminentem depredationem autoritate Magistratus oppidanis imponatur, quod ad illam forenses, qui in districtu oppidi latifundia possident, non teneantur, & *Bocer. de collect. c. 11. §. 12. & 13. Thomat. de collect. §. 1. n. 9. & §. sane 13. vers. Forensis an possit compelli. Natta cons. 218. Tuschus verb. Onera. Heig. p. 1. q. 17. n. 13. Joh. Pappon. l. 5. t. 2. arrest. 2. & 10. Guido Decif. 372. & 887. Mysf. cent. 5. obs. 22. Gail. 2. obs. 53. Brunnem. in L. 1. C. de Muner. Philipp. Post. l. 5. conclus. 3. Cephalus consil. 515. n. 4. & cons. 508. n. 5. l. 4. Maul. de Jur. inter Dom. & subd. tit. 9. n. 40. R. I. de A. 1500. 1542. 1544. Christin. Vol. I. Decif. 269. Besold. c. 5. de Aerar. n. 3. & 4.*

Medina

Medina de reb. rest. qu. 15. ubi dicit, quod forenses teneantur de iis rebus, quas vendunt, tributa solvere, non vero ad collectas, quæ solis subditis imponuntur. Si igitur forenses collectandi, uti ex supra allatis patet, in Revisione Catastri quoque non omittendi erunt, sed eodem modo, quo alii subditi hic attendi debet, an eorum bona in territorio collectantis vel aucta fuerint, vel imminuta.

§. XII.

Pauperes a collectis ipsa necessitas eximit: Interim *Pauperum.* tamen in Catastri Revisione eorum etiam habenda ratio, ita ut quoad personas quidem consignentur; tributis vero non onerentur & deinde in hunc quoque finem, ut inquiri possit, an vera, an vero fictitia fuerit paupertas, nam quoties quis ad paupertatis beneficia provocat, eget probatione ejusdem, nec sine hac fidem habet, *Miscard. de probat. conclus. 1159. n. 3. Covarr. var. resolut. c. 6. n. 2. Rol. a Valle conf. 20. n. 60. vol. 2.* Dicuntur autem hic pauperes, qui alimenta non habent, vel unde vivant, sed victum industria & labore manuum quarunt, quorum vita mercenaria in diem est. Ratio est, cur tributis non subjiciendi, quia inanis actio, quam excludit inopia debitoris, *l. 15. ff. de dol. mal.* & injustum utique esset, illos velle tributis vexare, quos summa vexat inopia, quorum facultates singuli dies metiuntur, & qui tantum habent, quantum quotidie emendicare possunt. Hic enim obtinet illud vulgare, quod qui nihil habet, nihil dabit, wo nichts ist, hat der Senfer sein Recht verloren. Et hoc privilegium habent ex Jure Divino, *Levit. XXVII. v. 8.* Jure Communi, *l. cura §. inopes ff. de munerib. l. f. C. de his, qui num. liber. l. illicitas §. ne tenuis ff. de offic. Praesid.* Jure Canonico, *per c. 4. x. de Censib.* Jure Imperiali, *R. I. de A. 1582. §. Und nachdem in fin. A. 1594. §. Und daß den Unterthanen. A. 1598. §. Und daß den Unterthanen, quod etiam tempore Matthiae I. A. 1613. mens. Octobr. in Comit. Ratisb. de novo inculcatum, §. Und dann daß den Unterthanen. ibi: Die erarmte und erschöpfte.* Imo hæc est communis DD. opinio, *Rol. a Valle conf. 66. n. 5. § 20. vol. 1. Thomaz. de collect. §. retenta n. 11. Petr. Rebuff. tract. de Privil. univers. l. 1. privil. 90. Wessemb. conf. 103. n. 45.*

Bocerus de collect. c. 11. n. 1. & 2. Nec interest, quomodo ad paupertatem pervenerint, an lapsi bonis *Gail. de Arrest. c. 9. n. 20.* modo paupertatem probaverint, vel notoria fuerit.

Valetudinarii.

Huc referunt nonnulli valetudinarios & perpetuo morbo confectantes, utpote qui sibi ipsis ad sufficientem victum acquirendum vix sufficiunt, de quibus videatur *Bocer. de collect. c. 11. n. 2. Petr. de Ubaldis tr. de collect. n. 23. Regner. Sixtin. de Regal. l. 2. c. 14. n. 19.* Cæcos eximit Jus Canonicum, *c. 4. X. de censib.* De famulis, ancillis, Herrenlosen Gesinde, dispositum videmus in *R. I. de A. 1542. Spir. §. Und wiewohl. und in der Regiments-Ordn. A. 1500. & in Instrukt. der Revision im Herzogthum Magdeburg §. 14.* In causa contributionum quis proprie dicatur pauper, non potest adeo certe determinari, & Revisorum arbitrio relinquendum. *Mench. de A. I. Q. l. 2. cent. 1. cas. 65. n. 7. & conf. 433. n. 12. Klock, de contrib. c. 13. sect. 2. §. 73.*

§. XIII.

*Doctores
& Professores.*

In Revisione Catastri etiam ut privilegiati occurrunt Doctores Legum, & quoniam hi multis honoribus ac privilegiis ab Imperatoribus ac Principibus fuerunt insigniti, cum Nobilibus & in equestri dignitate constitutis comparari solent. Hinc Ulpianus JCTus per Imperatorem appellatur nobilis, *l. 2. §. fin. ff. de excusat. tut. nobilissimus, l. dicemus ff. d. 1.* Doctor nominatur amicus Imperatoris, *l. Divi fratres ff. de jur. patr.* Maxime autem eorum immunitas fundata est in *l. un. C. de prapof. labor.* ubi Imp. Honorius & Theodosius singulariter in hanc rem rescripserunt, quod immunitate digni sint, & in *l. 6. C. de Profess. & Medic.* ubi dicitur, quod Professores ab omnibus functionibus, & ab omnibus oneribus, vel civilibus, vel publicis eximantur, quod etiam ad extraordinaria munera extendere solent, per *l. 6. & 8. ff. de Vacat. mun. l. 6. C. de prox. sac. scrip.* Hanc DD. immunitatem plurimi eo extendunt, ut eam indistincte concedant, etiam ab oneribus patrimonialibus tam ordinariis, quam extraordinariis, quos longa serie citatos vide a *Klock. de contrib. c. 15. passim.* Ego, ut paucis me expediam, ita

ita statuo, quod & DD. Revisioni Catastri se subicere debeant, nec ullo modo se eximere possint, nisi speciali & personali privilegio aliquis sit munitus. Nam licet extracatum necessitatis tuti sint a collectandi onere, & eadem cum Nobilibus habeant privilegia, interim tamen catastrari poterunt & ratione personæ & facultatum, cum & sapissimè bona in patrimonio habeant, quæ aliunde acquisita cum onere ad eos transierunt & necessitate ingruente non minus de suo pro ratione & quantitate facultatum conferre teneantur, quam alii. Si enim communis ingruat necessitas, omnium promiscue erit, ei medelam quærere. Quod de Doctoribus dictum, ulterius extenditur ad Advocatos & *Advocati.* causarum patronos, quorum singularis laus exprimitur *l. 14. C. de Advoc. divers. judic.* hi etiam ab omnibus collectis, tam personalibus, quam realibus immunes sunt, uti pluribus deducit *Excell. Dn. Stryk. pecul. Disp. de privileg. Advoc.* De advocatis & Procuratoribus, qui nulla bona in territorio possident, specialiter dispositum invenio, in der *Instruktion der Revisoren des Herzogthums Magdeb. §. 13.* Dasi diejenigen *Advocaten und Procuratoren*, so im Lande nicht angesessen, und dennoch ein grosses Monathlich mit der *Praxi* erwerben, nach billigmässiger *Proportion*, davon Monathlich ein gewisses zur *Contribution* geben sollen. De Scholaribus & Doctoribus sive Præceptoribus in Scholis trivialibus, Studiosis & omnibus denique in genere liberalium artium cultoribus, dico, quod hi excusentur ab omnibus muneribus, imprimis personalibus, utpote quibus ob studia vacare non possunt, imo & realibus, nisi extrema urgente necessitate, *l. 1. §. 2. C. qui atat. & profess. Petr. Rebuff. de Privileg. univers. l. 1. privil. 149.*

§. XIV.

Si quis duodecim liberorum pater fuerit, per *l. 24. C. Pater 18. de Decurion.* immunitate a collectis tam patrimonialibus, quam personalibus de Jure Civili gaudet. *Liberorum.* An igitur & hic in Revisione Catastri omittendus? Et Res. negando, quia enim istud privilegium est plane personale, & duntaxat ad dies vitæ durat, ad minimum erit catastrandus ratione facultatum, ut de earum quantitate constet, imo cum immunitas semper restringenda sit ad terminos habiles, & intersit Rei-

Reipubl. ejusmodi civem, qui tot personis civitati assistere potest, suum ipsi non detrectare officium, ante omnia attendendum esse dicerem, an sit dives & magnarum facultatum possessor, an vero pauper, vel curtæ supellectilis dominus, *Menoch. conf. 1026. n. 5. Tessaur. Decis. 267. Garzias decis. 4. Bocer. de collect. c. 11. n. 5. Surdus conf. 146. n. 16. Rol. a Valle conf. 65. n. 35. vol. 1.*

§. XV.

*Specialiter
privilegiati.*

Tandem de specialiter privilegiatis adhuc pauca subjiciam, quibus vacatio ista a Principe speciali privilegio est concessa, l. 11. ibi: *præterquam quibus Principali beneficio concessum est. ff. de vacat. & excus. mun. l. un. c. de iis, qui a Princip. vacat. acceper. l. 17. §. 3. ff. de excusat.* Hi utique summo jure hac semel concessa immunitate quiete frui debent, quicquid etiam ex l. 7. C. de annon. & trib. l. 19. C. de Decur. l. ult. C. divers. prad. urban. & rust. l. ult. §. ab hujusmodi ff. de muner. & honor. l. 1. C. de indict. l. 16. C. de SS. Eccl. in contrarium concludere velint Doctores. Nam omnes hæc leges hoc præsupponunt, quod immunitas ista concessa sit in præjudicium tertii, & talem concessionem damnant ut illicitam & impiam. Sed si Princeps ex singulari gratia, vel ex titulo oneroso alicui libertatem ab oneribus concedat, ita, ut ista libertas nemini præjudicet, sed ex fisco tantum decrefcere velit, quantum concessum, non video, qua ratione hæc Principis clementia, vel reprehendi, vel impediri possit, hinc in ejusmodi formularibus concessionum immunitatis hæc annecti solet clausula: Und wann ein oder ander darüber, daß etwas von solchen Oneribus ihm accresciren oder abgehen thäte, mit Zug sich beschwehren könnte und würde, wollen wir und unsere Nachkommen alle solche Beschwörungen über uns nehmen, und denselben also remediren, daß unsere Concessio Immunitatum niemand einige Anctio oder Afflictio verursache &c. Si tamen in tali concessione immunitatis casus necessitatis non etiam specialiter expressus fuerit, videtur exceptus, imprimis in collectis Turcicis, uti ex R. I. patet, qui arguunt, quod licet Status nonnulli a contributionibus publicis immunitate fruantur, attamen contra Turcicas contributiones prætendi privilegium non possit, R. I. de A. 1495. tit.

tit. Von Dem gemeinen Pseuung. de A. 1500. tit. Von Eids-
nern, wie die aufgesetzt und gehalten werden sollen. A. 1542. §.
Und wiewohl. A. 1544. §. Und nehmlich sollen alle. ita ut ejus-
modi privilegiatus etiam in tali casu necessitatis ad collectas
teneatur. Vid. Bocer. de collect. c. 11. n. 48. seq. Mynsing.
Resp. I. n. 98. decad. 11. & Cenr. 4. Obs. 70. Cacharan. Decis.
Pedemont. 39. n. 20.

CAP. V.

DE

CAVSA FORMALI REVISIONIS CATASTRI.

§. I.

Forma dat esse rei, & quicquid est, per formam su-
am est, si scil. aliquam habet, *Stahl. Reg. Philos.*
p. 2. dist. 9. Reg. 2. & 4. est commune Philosopho-
rum effatum, & per quod aliquid in suo esse con-
stituitur, illud alicujus rei appellatur forma. *Forma Re-*
ma autem Revisionis Catastri fere eadem erit, quæ ipsius *visionis Ca-*
Catastri. Nam idem fere processus adhibetur in Revisione *tastri.*
Catastri, qui ab initio in ejus confectione adhibebatur, *Cra-*
vetta cons. 195. n. 5. Festaf. de collect. p. 1. c. 1. nempe solers
& diligens omnium personarum & facultatum descriptio,
& erit Revisionis Catastri forma nihil aliud, quam diligens,
accurata ac reiterata omnium subditorum & facultatum de-
signatio, facta a Revisoribus s. peræquatoribus ad normam
antiquiorum librorum censualium, ita ut ante omnia meli-
orationes & deteriorationes, incrementa & decrementsa di-
ligenter investigentur & annotentur. Quam etiam formam
præscriptam invenio in *Instruct. der Revisoren des Herzogthums*
Magdeburg §. 3. Sollen die Steuer-Register, wornach die An-
lagen

lagen biß anhero eingerichtet gewesen, abforderten und *examinieren*, ob auch nach Gelegenheit jedes Orthes alle Güther darinnen zu finden, und bißanhero versteuert worden, oder ob hierinnen ein Abgong, und aus was Ursachen derselbe, vorkommen, damit alles, was der Steuer, nach gemeinen und *Provincial*-Rechten unterworfen, dem *Catastro* einverleibet werden möge, und zwar ohne einigen Unterscheid, es werden solche Stücke von Welt- oder Geistlichen besessen.

§. II.

De Officio

Revisorum.

Occasione hujus aliquid dicendum venit de Revisoribus. ¶ Peræquatoribus & eorum officio, quod in his potissimum consistit, (1.) ut cujusque loci Magistratum de suo adventu præmoneant, & de præparatoriis informant, quemadmodum præscriptum in *Instruct.* der *Revisoren* im Herzogthum Magdeb. §. 1. Damit bey der *Revision* desto geschwinder verfahren werden könne, soll jedes Orthes Obrigkeit die Ankunfft der *Revisoren* zuvor *notificiret* werden, und dieselbe erinnert und angemahnet werden, daß sie ohne allen Verzug auf das genaueste untersuche, was bey dem Orthe an Aekern, Wiesen &c. und wem dasselbe zuständig, auch von solchen allen eine richtige *Designation* nebenst denen in den Städten vorhandenen Bürger- und Steuer-Rollen denen *Revisoren* bey ihrer Ankunfft übergeben. (2.) Ut conscribant æstimum, & reforment eoram Syndico vel defensore communitatum, *Brunnem. ad L. 10. C. de suscept.* Ratio est in eo, quod hi optime sciant cujusque fere facultates & personarum conditionem, ut si fortassis de deterioratione rerum censibilium conquerantur subditi, Magistratus cujusque loci de hujus rei veritate & quæ ratione factum fuerit, testari possit. (3.) Citare debent omnes, quorum interest, per publicum proclama, vel emissos ministros, ut certo tempore eoram Revisoribus appareant, & sua bona profiteantur, eaque in æstimum referri & taxari videant. Nam in æstimatione alicujus universalis territorii sufficit vocare Rectores, Syndicos vel defensores alicujus communitatis, *Bart. in L. Susceptores C. de suscept. Festaf. de collectis c. 1. n. 12.* Sed in Renovatione vel Revisione *Catastri* præcise requiritur, ut singuli rerum possessores a Peræquatoribus citentur, alias *Catastratio* ipsis nec prode-

proderit, nec nocebit *argum. l. 64. ff. de A. R. D. l. 7. § 8. C. de donat. Brunnem. ad L. 4. C. de censf. (4.)* Unicuique in specie iuramentum Revisionis imponant, uti specialiter quoque cautum in *sape alleg. Instruct. §. 2.* Wann die *Revisores in termino prafixo* antommen, sollen sie an iedem Orthe den hieby gefügten Eydt von der Obrigkeit und *Commun* nehmen, und so wohl die Obrigkeit als *Commun* dabey verwarnen, daß Sie, nach dem abgelegten Eyde, eine richtige *Professione* ihres Vermögens thun. Formula Juramenti in moderna Revisione adhiberi solita hæc est: Ich schwehre zu G D E dem Allmächtigen, daß ich mein Vermögen bey iehiger *Revision*, richtig angeben, nichts an alle dem, worauff ich befraget werde, verhalten, noch einigen Betrug oder Hinterlist suchen, sondern hierinn mich also bezeigen will, wie es Seiner Ehr. Fürstlichen Durchl. zu Brandenburg, unseres gnädigsten Erb. und Landes. Herrn und des Orths Nutzen und Frommen erfordert, so wahr mir G D E helffe und sein heiliges Evangelium. (5.) Curabunt, ut debita omnium bonorum fiat professio, quæ professio etiam certis punctis inclusa & typis excusa reperitur, hic tamen melioris cognitionis causa inserere operæ pretium duxi. Queritur igitur primo: Was er vor unbewegliche Güther an Aekern, Wiesen, Holz. Marcken, Pächten, Behenden, Teichen, Fischereyen, Gärten, Erfften, Hut. und Koppel. Weiden; Eabeln und Gemein Theilen, Mühlen, Steinbrüchen, Theer. und Salpeter. Hütten, Krügen, Schencken, Häusern, Salzwercken, auch jährlich stehenden Renten und andern unbeweglichen Stücken habe, und wie hoch er jedes unbewegliche Stücke Güths jährlich nuzt? (2.) Was er an Zinsbahrer Baarschafft habe, und damit jährlich gewinne? (3.) Was er außser dem vor Gewerb und Handthierung habe, und damit jährlich nach allen drauffgehenden Kosten, gewinne? (4.) Ob und auff was Masse die angezeigte ohnbewegliche Stücke beschwehret, sonderlich aber, ob Kirchen, Schulen, Hospitalien und andere Leute Zinsbahre ab. oder unablegliche *Capitalia* darauff haben? (5.) Wie viel er bißher zu ieder Anlage gesteuert? (6.) Wie viel er jährlich der Anlagen gegeben? (7.) Auf was Masse die Anlagen selbiges Orthes eingerichtet? (8.) Ob die Steuer jederzeit nach der Ausschreibung, so im Lande ge-

*Articuli,
ad quos re-
spondere
debent
subditi.*

sehen, von der Obrigkeit *exigiret* und eingetrieben? (9.) Oder ob unter dem Vorwand der im Lande ausgeschriebenen Steuer ein mehreres bey der *Subcollection* und Eintreibung der Steuer gefodert und gehoben sey? (10.) Wie hoch sich solches das Jahr betragen? (11.) Ob er auch Güther, und was vor welche, an einigem Orte habe, wo das Gebiete streitig, und an keinem Orte die Steuer davon abgegeben worden? (12.) Ob er von jemand Güther in Pacht habe, und wie viel er davon Pacht-Geld gebe? (13.) Ob er oder der Eigenthums-Herr die Steuer davon abstatte? (14.) Ob er sich der bisherigen Steuer halben zu beschwehren habe, und woher die Beschwerde rühre? (15.) Wie viel er *Moventia* oder nutzbares Grund und Schaff, auch Pferde, Vieh, so nicht zum Zug gehörig, nach seinem Vermögen und fleißiger Haushaltung halten könne? (16.) Wie hoch er sein ganzes steuerbares Vermögen auff den geleisteten Eyd schätze? (6) *Bona ita professi taxabunt, & pro eorum conditione collectis onerabunt, cujus forma praescripta in alleg. Instrukt. der Revisoren des Herzogthums Magdeburg §. 17.* Wann dieses alles erfolget, ist das ganze Vermögen des Landes in Anschlag zu bringen, und nach dessen Beschaffenheit ein gewisses auff jeden 100. Nutzung, doch daß es den zehenden Pfennig nicht übersteige, zusehen, damit das Mo-nathliche *Contingent* ohne *Ruin* der Unterthanen heraus kommen möge. Et hæc de officio Revisorum.

§. III.

An recte
fiat professio?

Circa professionem bonorum, adhuc nonnulla occurrunt dubia, quæ hic explanare animus est. Et quidem durum videtur ac nimis rigidum minusque Christianum, cogere velle subditum ad professionem facultatum suarum, quas fortassis summo ac difficili labore acquisivit, & uti Impp. Theodos. ac Valent. loquuntur in l. 2. C. quando & quib. quart. pars. nihil tam durum tamque inhumanum sit, quam publicatione pompæque rerum familiarium & paupertatis deregere vilitatem, & invidiæ exponere divitias: & l. 2. C. de alim. pupill. prest. interventu judicis secreta patrimonii non sunt scrutanda, interim tamen utilitas publica & favor justitiæ ac æquitatis in collectarum distributione introducenda, quicquid hic durum posset videri, facile emolliiri potest.

Cum

Cum enim nulla alia ratione, æqualis onerum distributio haberi queat, merito Princeps vel summus Magistratus his utitur remediis ad finem suum obtinendum & Reipubl. utilitatem comparandam. Ulterius quæritur: Quomodo bonorum fieri debeat professio, an jurato, an vero sine juramento? Et negari non potest, invaluisse jam dudum in Germania nostra hanc consuetudinem, ut cives vel subditi per juramentum adigantur, ad faciendam bonorum suorum professionem. Sed merito ambigitur, an hic modus censendi cives sit omnino salutaris & Reipubl. proficiuus. Principis enim est utriusque curam gerere, & animarum & corporum subditorum, ut neutrum ullo modo lædatur, vel detrimentum patiatur; nihil autem est, quo salus animæ majori periculo exponitur, quam juramenti delatione, adeo, ut qui sciens sinit aliquem jurare, ubi metus perjurii subest, homicida habeatur, nec quisquam perjurii viam aperire debeat, *Tabor. loc. commun. l. 14. c. 23. ax. 7.* Jam autem impossibile prope est, in hac universali ab omnibus facta bonorum professione jurata, nulla committi perjuria, cum insuper multi erroneam hanc & impiam foveant opinionem, talia juramenta esse coacta & vi extorta, ex quorum præstatione nemo obligetur, juxta illud vulgatum, *gezwungen Eyd*, ist *ODT leyb*: quod in quantum valeat, quilibet pius & conscientiosus facile dijudicabit. Abstinentum igitur omnino putarem a tali jurata professione, ne, dum salus Reipubl. quæritur, innumerarum animarum salus periclitetur, & in ejus locum substituendam talem professionem, quæ adjectam haberet clausulam poenalem, nempe poenam commissi & confiscationis, si quid celatum fuerit, vel non confessum. Eo enim hodie, proh dolor! perventum, ut excoecati homines majorum facultatum suarum, quam animarum habeant rationem, nec peccare credant, ubi non peccare sine damno non possunt. Fateor equidem juratam professionem etiam in LL. Civilibus fundatam, *l. 2. C. quando & quib. quart. item LL. Imperii, R. I. de A. 1544. §. Damit aber die it. & consuetudine approbatam, Carpzov. l. 4. R. 74.* interim tamen & contraria opinio suos omni tempore habuit fautores inter JCtos, *vid. Rövenstr. im*

An etiam
recte jura-
ta?

Nichtl. Bedenken, cum annexo *Responsio Jur. Facult. Marburg. Klock. de contribut. c. 17. §. 78. & alii.* Ego summi Principis hæc omnia relinquo arbitrio.

§. IV.

*Quomodo
bonorum æ-
stimatio fie-
ri debeat?*

Ad formatam Revisionis etiam pertinet omnium omnino bonorum consignatio s. descriptio, eorum æstimatio, & proportionata onerum distributio. Hæc autem æstimatio ut sit justa, & rite expediatur, fieri debet a rerum peritis, in re præsentī citato ad id possessore, uti rescriptum in *Instructio der Revisoren des Herzogthums Magdeburg §. 9.* In Anschlagung der Güther aber wurde auff die *Taxa*, so jedes Orths üblich, zu sehen, auch jede Hufe und Acker in denen Gerichten, worunter er gelegen, und also *in loco rei sita* zur *Peraquation* zu bringen seyn. Non autem ad pretiositatem vel valorem rei, sed potius ad fructus in taxatione respiciendum. Ad modum enim fructuum collectæ imponuntur, utpote in quibus semper habetur major respectus ad redditus, quam ad rem ipsam, l. si dependentes ff. de Usufr. l. 4. §. si actor ff. de re judic. Gilman. p. 2. tit. 6. vol. 5. n. 31. Supplic. Cameral. ita ut si fructus majores, majora etiam possessori onera imponantur, si minores, minora. Maxime autem in Revisione Catastri respectus habetur ad incrementa & decrementa facultatum, quæ post primam Catastri confectionem subditis obvenierunt, hæc accurate solent notari, & norma ac cymosura esse debent, secundum quæ tributa imponantur, 2. Regum XXIII. v. 36. ne tantum pauperibus imponatur, quantum divitibus 2. Reg. XV. v. 20. Hinc plane sublato fundo vel prædio, unde census solvebatur, ut si chasmare perierit, etiam plane cessabit census, quia hæc semper quasi clausula subintelligitur, rebus sic stantibus & in eodem statu permanentibus. Nam cessante causa census, cessat & census ipse, & deficiente causa constituti, deficit etiam constitutum ipsum, *Rövenstr. l. c. §. 191. seq.* ubi etiam formulam, secundum quam census imponendus, exhibet. §. 309. quo me remitto.

§. V.

*Catastri
Confectio
quomodo
facienda?*

His omnibus rite peractis, sequitur tandem novi Catastri confectio, in quod personæ & bona, prout professæ fuerunt,

fuerunt, designanda & æstimanda. Hoc autem fieri debet a Revisoribus in præsentia Magistratus & communitalis cujusque loci, ut quilibet videre possit, se rite in æstimo descriptum, & sic de æstimi justitia ac æquitate testimonium perhibere. Deinde Superiori ad confirmationem insinuari debet Catastrum, utpote quæ confirmatio tandem plenissimum robur addit publicis ejusmodi constitutionibus, quo facto subsequitur publicatio & intimatio, ad quam iterum Magistratus loci & communitates citantur, simulque admonentur, ut secundum tenorem hujus Catastri, tributa imposita libere & incoacte semper solvant: Si vero contigerit, ut unus vel alter in facultatibus suis damnum patiatur, aut incrementum sentiat, illud vigore semel præstiti juramenti, Magistratui suo denunciabit, & vel augmentum, vel diminutionem impositi oneris expectabit, uti expresse etiam sancitum in sæpe alleg. *Instruct. der Revisoren im Herzogthum Magdeburg §. ult.* Nach diesem allen soll jedes Dithes *Catastrum* eingerichtet, und von denen *Revisoren*, in Beyseyn der Obrigkeit und *Commun publiciret*, dabey auch denen Unterthanen angedeutet werden, daß wann ihr Vermögen sich verminderte oder verbesserte, sie es nach dem Eyde, welchen sie iho geleistet haben, der Obrigkeit so fort anzeigen, und darauff die Erhöhung oder Verminderung ihres Steuer- & *Contingents* gewärtig seyn sollen.

§. VI.

Antequam hoc caput finio, paucis etiam de forma adæquationis in Imperio nostro Rom. Germ. & inprimis in nostro Ducatu recepta quædam subjiciam. Antiquissimus & jam dudum inveteratus mos est, collectas secundum certam aliquam bonorum proportionem imponere, ita ut hujus rei etiam vestigia in Sacris inveniamus; *Genes. XLVII. v. 24.* Magdeb. ubi quintam partem ex redditibus agrorum Pharaoni dare jussit Joseph, Pro - Rex Ægypti. De Romanorum veterum censura supra cap. II. quædam fuerunt dicta, quo me remitto. In Recessibus Imperii duplicem collectandi modum invenimus, primum per æs & libram, qui olim maxime fuit frequentatus in collectione des gemeinen Pfenniges, & justissimus nominatur, *R. I. 1542. §.* Und wiewohl derhalben & maxi-

*De modo
collectandi
in Imper.
& Ducatu*

maximopere Imperii Statibus commendatur in Comitibus A. 1608. ideo, quia secundum eam non tantum subditi, sed etiam Electores, Principes, civitates, imo omnes pro ratione suarum facultatum collectantur, nemine plane exempto, qui modus collectandi etiam fuit comprobatus auf dem Ererb. Tages Abschiede zu Braunschweig in Mart. A. 1622. ubi *statutum*: Daß ein jeder *sive discrimine* den hundersten Pfennig zur Anlage zu Erhaltung des *Defension* - Werkes zahlen und eintheilen solle, welcher aber unter 100. fl. werth hat, soll von 20. fl. 2. gl. und welcher unter 20. fl. werth hat, soll 1. gl. 4. Pf. geben. Et hic modus collectandi ab An. 1495. usque ad A. 1521. duravit, quamvis interim septem Imperii Recessus fuerint habiti, ubi in *Comitiis Wormatiensibus* §. Item habent wir uns weiter. alius modus fuit introductus, qui vocatur nach dem Römer Zug. s. juxta Matriculam Imperii, ubi Statibus collectæ ita imponuntur, ut illis liberum relinquatur, collectas inter subditos iterum pro lubitu distribuere. De utroque modo in *Comitiis Ratisbonensibus* A. 1598. & 1607. valde fuit disceptatum, interim tamen posterior frequentior, & in nostro Imperio hodie receptus ac approbatus.

§. VII.

Ab hac communi collectandi modo recedunt sapius Jura Provincialia, quæ pro subditorum statu ac conditione distributionem instituere solent. Ego in præsens de aliorum consuetudinibus non ero sollicitus, sed de patriis moribus quædam adjiciam, qua ratione & proportionem collectarum hic fiat distributio.

§. VIII.

Sciendum igitur est, superiori seculo usque ad Annum 1581. tributa tantum agris fuisse imposita, ita ut centesimus ubique nummus loco tributi penderetur, uti Taxa in Archivis, cujus copia inter Acta Provincialia asservatur, testatur. Postmodum cum hæc quantitas non sufficeret, deliberatum fuit, quomodo tributum centesimi nummi posset augeri; & ab initio inter se convenerunt: (1.) Ut opifices, qui nullas haberent proprietates, & ideo olim a collectis immunes, iuxta habitam bonorum proportionem, taxarentur. (2.) Clerici; Capitulares, Abbates &c. tertiam partem annuo-

Modus
collectandi
Superiori
Seculo.

annuorum reddituum conferrent. (3.) Nobiles quintam vel sextam suorum proventuum contributorent. Et hæc Taxa aliquantisper stetit, donec tempore Alberti, Cardinalis, Electoris Moguntini, Archi - Episcopi Magdeburgensis, Marchionis Brandenburgici, novæ Taxa constituta, quæ de omnibus bonis, tam mobilibus, quam immobilibus, quinquagesimum & tandem septuagesimum, nummum, tributis loco exigeret.

§. IX.

Et hæc fuit prima origo septuagesimi nummi oder des siebenzigsten Pfenniges, qui modus collectandi adhuc hodie in patria mea frequentatur. De hujus impositione, reperitur adhuc vetus aliquod documentum, cujus tenor cum paucissimis cognitus, ad pleniorē autem hujus rei notitiā non parum conferat, operæ prægium esse duxi, potissima capita exinde excerpte. Et quidem primo continet instructionem, quæ tunc temporis Taxatoribus data, in qua jubetur, ut adhibitis cujusque loci Magistratibus omnia opida ac pagi, item cœnobîa & loca sacra, præstito jramento, suas facultates profiterentur, & convenienti pretio taxarentur, ut postmodum secundum hujus pretii quantitatem, loco tributis, cuilibet solutio LXX. nummi imponeretur, *Instruct. der Taxatoren de A. 1531. §. 1. usque 5. (2.)* Qua ratione inquisitio in facultates fieri debeat, §. 5. & 6. præscribitur. (3.) Tributa in loco rei sitæ esse solvenda, licet possessor in alieno territorio habitet, §. 7. (4.) Quomodo unusquisque in specie examinandus, & quamnam bona profiteri debeat, §. 8. seq. (5.) Omnia bona collectanda, sive sint feudalia, sive hereditaria, sive propria, sive jure coloni possideantur, §. 12. (6.) Qui nulla bona propria habent, de 40. gl. salario unum, loco tributis, solvent, exceptis tamen illis, qui Nobilibus, Prælatibus & Magistratibus civitatum serviunt, §. 17. (7.) Opiliones, carnitices, meretrices, lenones, molitores in specie taxari jubentur §. 20. seq. (8.) Magistratus etiam, item die Snungen, confraternitates & omnes communitates, qui prædia, decimas, prata, lacus s. Teiche, molendina & similia, sive mobilia, sive immobilia possident, etiam taxandæ &

Origo des
siebenzig-
sten Pfenn-
iges.

allibrandæ. (9.) Specialis taxa additur Clericorum & bonorum Clericalium, quod illa quoque Antistites Ecclesiarum jurato debeant profiteri, & non secus, ac aliorum Laicorum, secundum septuagesimum nummum collectari. Hæc sunt potissima capita, quæ in hac Instructione continentur, cui postmodum annectuntur juramenta Taxatorum & Receptorum.

§. X.

Libri Professionum antiqui.

Hi libri Professionum & Taxationum A. 1531. confecti, continebant cujuslibet loci bona, quomodo professa, & taxata, & collectæ septuagesimi nummi subjecta, & diu in Archivo, quod in arce Mauritii Halæ erat, fuerunt asservati, adhuc A. 1608. uti inventarium, jussu Reverend. Capituli, tum temporis sede vacante, confectum testatur, qui libri Professionum sex constabant voluminibus. Qua ratione & quo tempore postmodum hi libri fuerint deperditi, de hoc non constat. Dolenda utique maxime est hæc jactura, utpote quæ causa fuit multarum confusionum, maxime vero, quod tempore pie defuncti Serenissimi Dn. Administratoris AUGUSTI nulla generalis potuerit fieri exæquatio, sed cuilibet loco in specie, pro qualitate damni perpeffi fuerit facta remissio ac moderatio tributi, quæ remissa ac moderata a matricula detracta, eam non parum debilitarunt, ut hinc multiplicatio & reiterata impositio septuagesimi nummi eo sæpius fieri debuerit.

CAP. VI.

DE

FINALI CAUSA REVISIONIS CATASTRI.

§. I.

Quærelæ de inequalitate Collectionum.

Nullæ calamitoso hoc tempore frequentiores exauduntur quærelæ, quam miserorum subditorum, qui sub tributorum oneribus fere exanimis jacent & vix spiritum ducunt, omnes fere uno ore se miserimos esse dicunt, & de crudeli exactorum sævitia quærelas ingeminant.

geminant. Si causam quæras, nullam aliam invenies, quam injunctorum tributorum iniquam ac inæqualem distributionem, & quod omnis potentiorum sarcina ad inferiores transfertur, *l. 1. C. de cens.* Huic igitur malo ut debita opponatur mēdela, Catastri solet institui Revisio, utpote cujus uni-^{Finis Revisio-}cus hic solet esse finis, Æquitas & publica Utilitas. Et ob summum hujus æquitatis favorem, volunt Doctores, etiam ad unius instantiam posse Catastrum mutari ac revideri. Nam quamvis necessaria omnino sint tributa, & ob id etiam laudabilia, speciem tamen & vultum illaudabilem sumunt, si non perite administrantur, & insitum illis odium certis quasi fomentis emolliatur. Inter quæ remedia imprimis æqualitas & generalis adæquatio tam de Jure Civil. communi, quam novissimo, *R. 1. de Ann. 1542. & 1544. ju Epeyer.* commendatur, ubi in colligenda nummula ad collectam Turcicam summa ubique æqualitas fuit observata. Vix enim credas, inquit *Lipsius 4. Polit. 11.* ubi inæqualitas adest, quantum augeatur insita humano generi invidia, ut pari dolore aliena commoda ac suas injurias metiantur. Hic est ille finis, qui ex Catastri Revisione fluere debet, æquitas hæc nisi primario unice intendatur, nihil recte agitur.

§. II.

Accessorius finis etiam esse potest hic, ut Princeps numerum & capita ac facultates subditorum suorum sciat, ut, si fortassis belli vel alia calamitas ingruat, de viribus regni sui constet, an ipse sibi consulere possit, an vero aliorum necesse habeat requirere subsidia. Denique ut sit norma, quam exactores tributorum observent, & secundum quam unumquemque ex subditis ad onera solvenda adigant, ita ut quanti quisque descriptus in æstimo fuerit, tantum & non plus nec minus quilibet conferre teneatur. Imo etiam eo fine, ut exinde conjiciatur, quinam contributioni sint addicti, qui vero liberi & immunes &c. *Klock. de contrib. c. 20.*

§. 380. ubi plures citantur.

CAP. VII.

DE

EFFECTIBVS REVISIONIS CATASTRI.

§. I.

*Effectus
Revisionis
Primus.*

Effectus Revisionis varii possunt constitui, uti effectus ipsius Catastri non sunt unius generis. Sic (1.) effectus Revisionis est, quod per Revisionem bonorum & descriptionem in publicum Catastrum contrahatur, de novo hypotheca publica & quasi consensus, ad præstandam collectam pro ea quantitate, qua in Æstimo descriptus est, *Thomat. de collect. §. sine num. 3. & 11.* quæ obligatio rem uniuscujusque, imprimis immobilem, adeo afficit, ut simul cum ea transeat in quemcunque possessorem. Quemadmodum enim per Catastrationem contrahitur quasi obligatio personalis & realis, *l. 4. C. de agricol. l. fin. ibi, si passi sunt. de veteran. Gail. 2. obs. 52. n. 24. Tessaur. Decis. 164. n. 3.* ita multo magis per Catastri Revisionem talis inducetur obligatio.

§. II.

*Effectus
secundus.*

Alius effectus est, quod Revisioni Catastri plena tribuatur fides, ita ut omnis in illo descriptus, quantitatem collectæ sibi impositæ, sine ulla mora teneatur solvere, nec eum juvet, quod rem alienaverit; tamdiu enim pro novo possessore collectas solvere tenetur, donec res in æstimum ementis fuerint relatæ. Potest tamen ab emptore illud, quod solutum fuit, repetere, utili actione negotiorum gestorum, *arg. l. 6. §. 3. ff. de neg. gest. Rol. a Valle Vol. 1. Consil. 32. n. 15. Barthol. Socin. cons. An res in 143. n. 1. vers. præterea respondeo.* Quæritur hic: An liberum Catastrum sit possessori, rem in Catastrum relatam, cui libuerit, vendere? Et respond. neg. cum enim Reipubl. intersit, ne res in talem emptorem transferatur, qui ad collectas rei inhærentes solvendas, minus sit idoneus, ideo non licebit in inidoneum rei possessionem transferre, sed æque idoneus erit eligendus. Si secus fiat, prior possessor ab onere collectarum non liberabitur, sed nihilominus, etiam re venditâ, adhuc solvere tenebitur

*An res in
Catastrum
relata liberè
possit vendi?*

bitur per expressam *l. 3. C. de præd. & omnibus reb. navicul.* ubi dicitur, quod si ad minus idoneum res fuerit translata, etiam auctores transcripti prædii teneantur obnoxii, & *Nov. 17. c. 8. §. 1. declaratur*, quis pro inidoneo emptore habendus, *it. ardent. sed & peric. C. sine cens.*

§. III.

Ex Revisione Catastri etiam hic fuit effectus, quod exin-^{Effectus} de præsumatur jurisdictio, ita ut qui in Revisione iterum in^{tertius.} Catastrum relatus, etiam jurisdictioni istius loci, ubi Revisio facta, se subicere teneatur. Illud tamen tantum intellectum volo ratione rei in Catastrum relatæ, quod nimirum ista res sit illius jurisdictionis, cujus est catastro, *Nicol. de Passer. de privat. script. l. 5. q. 1. n. 34.* Personæ enim subjectionem hoc necessario non arguit. Deinde etiam limitatur & restringitur hæc assertio, quod tantum valeat in immatriculato, qui scienter fuit catastrotratus; nam si inscius & non citatus a Revisoribus fortassis ex errore in Catastrum fuerit relatus, illud non fundabit jurisdictionem, utpote quæ in inscium & invitum non exercetur. Catastrum enim neque dominium, neque possessionem, probat contra eum, qui scriptura non consensit, neque interfuit, *Montan. c. 64. n. 5. Mascard. de probat. conclus. 273. n. 2. 3. & 7.* Notanter etiam dictum, quod præsumatur jurisdictio ex descriptione in Catastrum. Nam communis Doctorum opinio est, quod solus liber censualis non faciat plenam probationem, interim tamen si cum aliis adminiculis concurrat, oriri exinde præsumptionem, *Hieron. de Monte de finibus regund. c. 64. Corne conf. 333. n. 9. vers. sin autem probaretur l. 1. ubi dicit Catastrum non mediocriter signum & argumentum præbere, quod bona ibi descripta sint illius territorii, cujus est Catastrum. Paris. conf. 104. n. 69. Seraphin. Olivier. Razzal. Decis. 1062. n. 5. & 1077. n. 2.*

§. IV.

Hoc etiam operatur Revisio Catastri, quod ita reiterata^{Effectus} descriptio, contra eos, qui de tributorum inæqualitate con-^{quantus.} questii, & de novo se inscribi passi sunt, conventionem inducat & quasi contractum, inscriptum ad inscriptæ quantitatis solutionem obligari, quæ obligatio necessitatem solvendi & præstandi continet, *l. 3. ff. de O. & A. l. 5. C. epd. l. 1. s. l. stipulationes*

Reipubl. ejusmodi civem, qui tot personis civitati assistere potest, suum ipsi non detrectare officium, ante omnia attendendum esse dicerem, an sit dives & magnarum facultatum possessor, an vero pauper, vel curæ suppellectilis dominus, *Menoch. conf. 1026. n. 5. Tressaur. Decis. 267. Garzias decif. 4. Boccr. de collect. c. 11. n. 5. Surdus conf. 146. n. 16. Rol. a Valle conf. 65. n. 35. vol. 1.*

§. XV.

*Specialiter
privilegiati.*

Tandem de specialiter privilegiatis adhuc pauca subjiciam, quibus vacatio ista a Principe speciali privilegio est concessa, l. 11. ibi: *præterquam quibus Principali beneficio concessum est. ff. de vacat. & excus. mun. l. un. C. de iis, qui a Princip. vacat. acceper. l. 17. §. 3. ff. de excusat.* Hi utique summo jure hac semel concessa immunitate quiete frui debent, quicquid etiam ex l. 7. C. de annon. & trib. l. 19. C. de Decur. l. ult. C. divers. prad. urban. & rust. l. ult. §. ab hujusmodi ff. de muner. & honor. l. 1. C. de indict. l. 10. C. de SS. Eccl. in contrarium concludere velint Doctores. Nam omnes hæc leges hoc præsupponunt, quod immunitas ista concessa sit in præjudicium tertii, & talem concessionem damnant ut illicitam & impiam. Sed si Princeps ex singulari gratia, vel ex titulo oneroso alicui libertatem ab oneribus concedat, ita, ut ista libertas nemini præjudicet, sed ex fisco tantum decrescere velit, quantum concessum, non video, qua ratione hæc Principis clementia, vel reprehendi, vel impediri possit, hinc in ejusmodi formularibus concessionum immunitatis hæc annexi solet clausula: Und wann ein oder ander darüber, daß etwas von solchen Oneribus ihm accresciren oder abgehen thäte, mit Zug sich beschwehren könnte und würde, wollen wir und unsere Nachkommen alle solche Beschwerden über uns nehmen, und denselben also remediren, daß unsere Concessio Immunitatum niemand einige Auction oder Affliction verursache &c. Si tamen in tali concessione immunitatis casus necessitatis non etiam specialiter expressus fuerit, videtur exceptus, imprimis in collectis Turcicis, uti ex R. I. patet, qui arguunt, quod licet Status nonnulli a contributionibus publicis immunitate fruantur, attamen contra Turcicas contributiones prætendi privilegium non possit, R. I. de A. 1495. tit.

tit. Von dem gemeinen Pfenning. de A. 1500. tit. Von Geld-
nern, wie die aufgesetzt und gehalten werden sollen. A. 1542. §.
Und wiewohl. A. 1544. §. Und nehmlich sollen alle. ita ut ejus-
modi privilegiatus etiam in tali casu necessitatis ad collectas
teneatur. Vid. Bocer. de collect. c. 11. n. 48. seq. Mynsing.
Resp. I. n. 98. decad. 11. & Cent. 4. Obs. 70. Cacheran. Decis.
Pedemont. 39. n. 20.

CAP. V.

DE

CAVSA FORMALI REVISIONIS CATASTRI.

§. I.

Forma dat esse rei, & quicquid est, per formam su-
am est, si scil. aliquam habet, Stahl. Reg. Philos.
p. 2. dist. 9. Reg. 2. & 4. est commune Philosopho-
rum effatum, & per quod aliquid in suo esse con-
stituitur, illud alicujus rei appellatur forma. Forma Re-
visionis Ca-
tastri.
ma autem Revisionis Catastri fere eadem erit, quæ ipsius
Catastri. Nam idem fere processus adhibetur in Revisione
Catastri, qui ab initio in ejus confectione adhibebatur, Cra-
vetta conf. 195. n. 5. Festas. de collect. p. 1. c. 1. nempe solers
& diligens omnium personarum & facultatum descriptio;
& erit Revisionis Catastri forma nihil aliud, quam diligens,
accurata ac reiterata omnium subditorum & facultatum de-
signatio, facta a Revisoribus s. peræquatoribus ad normam
antiquiorum librorum censualium, ita ut ante omnia meli-
orationes & deteriorationes, incrementa & decrementsa di-
ligenter investigentur & annotentur. Quam etiam formam
præscriptam invenio in Instruct. der Revisoren des Herzogthums
Magdeburg §. 3. Sollen die Steuer-Register, wornach die An-
lagen

lagen biß anhero eingerichtet gewesen, abforderten und *examiniren*, ob auch nach Gelegenheit jedes Orthes alle Güther darinnen zu finden, und bißanhero versteuert worden, oder ob hierinnen ein Abgang, und aus was Ursachen derselbe, vorkommen, damit alles, was der Steuer, nach gemeinen und *Provincial*-Rechten unterworfen, dem *Catastro* einverleibet werden möge, und zwar ohne einigen Unterscheid, es werden solche Stücke von Welt- oder Geistlichen besessen.

6. II.

*De Officio
Revisorum.*

Occasione hujus aliquid dicendum venit de Revisoribus. f. Peræquatoribus & eorum officio, quod in his potissimum consistit, (1.) ut cujusque loci Magistratum de suo adventu præmoneant, & de præparatoriis informant, quemadmodum præscriptum in *Instruct.* der *Revisoren* im Herzogthum Magdeb. §. 1. Damit bey der *Revision* desto geschwinder verfahren werden könne, soll jedes Orthes Obrigkeit die Ankunft der *Revisoren* zuvor *notificivet* werden, und dieselbe erinnert und angemahnet werden, daß sie ohne allen Verzug auf das genaueste untersuche, was bey dem Orthe an Aekern, Wiesen &c. und wem dasselbe zuständig, auch von solchen allen eine richtige *Designation* nebenst denen in den Städten vorhandenen Bürger- und Steuer-Rollen denen *Revisoren* bey ihrer Ankunft übergeben. (2.) Ut conscribant æstimum, & reforment coram Syndico vel defensore communitatum, *Brunnem. ad L. 10. C. de suscept.* Ratio est in eo, quod hi optime sciant cujusque fere facultates & personarum conditionem, ut si fortassis de deterioratione rerum censibilium conquerantur subditi, Magistratus cujusque loci de hujus rei veritate & quatione factum fuerit, testari possit. (3.) Citare debent omnes, quorum interest, per publicum proclama, vel emissos ministros, ut certo tempore coram Revisoribus appareant, & sua bona profiteantur, eaque in æstimum referri & taxari videant. Nam in æstimatione alicujus universalis territorii sufficit vocare Rectores, Syndicos vel defensores alicujus communitatis, *Bart. in L. Susceptores C. de suscept. Festaf. de collectis c. 1. n. 12.* Sed in Renovatione vel Revisione *Catastri* præcise requiritur, ut singuli rerum possessores a Peræquatoribus citentur, alias *Catastratio* ipsis nec prode-

proderit, nec nocebit *argum. l. 64. ff. de A. R. D. l. 7. § 8. C. de donat. Brunnem. ad L. 4. C. de cens. (4.)* Unicuique in specie iuramentum Revisionis imponant, uti specialiter quoque cautum in *sape alleg. Instruct. §. 2.* Wann die *Revisores in termino praefixo* ankommen, sollen sie an iedem Orthe den hieby gefügten Eydt von der Obrigkeit und *Commun* nehmen, und so wohl die Obrigkeit als *Commun* dabey verwarnen, daß Sie, nach dem abgelegten Eyde, eine richtige *Profession* ihres Vermögens thun. Formula Juramenti in moderna Revisione adhiberi solita hæc est: Ich schwehre zu GOTT dem Allmächtigen, daß ich mein Vermögen bey ieziger *Revision*, richtig angeben, nichts an alle dem, worauff ich befraget werde, verhalten, noch einigen Betrug oder Hinterlist suchen, sondern hierinn mich also bezeigen will, wie es Seiner Ehr- Fürstlichen Durchl. zu Brandenburg, unseres gnädigsten Erb- und Landes- Herrn und des Orths Nutzen und Frommen erfordert, so wahr mir GOTT helffe und sein heiliges Evangelium. (5.) *Cura bunt, ut debita omnium bonorum fiat professio, quæ professio etiam certis punctis inclusa & typis excusa reperitur, hic tamen melioris cognitionis causa inferere operæ pretium duxi.* Quæritur igitur primo: Was er vor unbewegliche Güther an Aekern, Wiesen, Holz- Marcken, Pächten, Behenden, Teichen, Fischereyen, Gärten, Trifften, Hut- und Koppel- Weiden; Cabeln und Gemein Theilen, Mühlen, Stein- Brüchen, Theer- und Salpeter- Hütten, Krügen, Schencken, Häusern, Salzwercken, auch jährlich stehenden Renten und andern unbeweglichen Stücken habe, und wie hoch er jedes unbeweglich Stücke Guths jährlich nuzt? (2.) Was er an Zinsbahrer Baarschafft habe, und damit jährlich gewinne? (3.) Was er ausser dem vor Gewerch und Handthierung habe, und damit jährlich nach allen drauffgehenden Kosten, gewinne? (4.) Ob und auff was Maße die angezeigte ohnbewegliche Stücke beschwehret, sonderlich aber, ob Kirchen, Schulen, Hospitalien und andere Leute Zinsbahre ab- oder unablegliche *Capitalia* drauff haben? (5.) Wie viel er bißher zu ieder Anlage gesteuert? (6.) Wie viel er jährlich der Anlagen gegeben? (7.) Auf was Maße die Anlagen selbiges Orthes eingerichtet? (8.) Ob die Steuer jederzeit nach der Ausschreibung, so im Lande ge-

Articuli, ad quos respondere debent subditi.

sehen, von der Obrigkeit *exigiret* und eingetrieben? (9.) Oder ob unter dem Vorwand der im Lande ausgeschriebenen Steuer ein mehreres bey der *Subcollectation* und Eintreibung der Steuer gefodert und gehoben sey? (10.) Wie hoch sich solches das Jahr betragen? (11.) Ob er auch Güther, und was vor welche, an einigem Orte habe, wo das Gebiete streitig, und an keinem Orte die Steuer davon abgegeben worden? (12.) Ob er von jemand Güther in Pacht habe, und wie viel er davon Pacht-Geld gebe? (13.) Ob er oder der Eigenthums-Herr die Steuer davon abstatte? (14.) Ob er sich der bisherigen Steuer halben zu beschwehren habe, und woher die Beschwörung rühre? (15.) Wie viel er *Moventia* oder nutzbares Grund und Schaff, auch Pferde, Vieh, so nicht zum Zug gehörig, nach seinem Vermögen und fleißiger Haushaltung halten könne? (16.) Wie hoch er sein ganz Steurbahres Vermögen auff den geleisteten Eyd schätze? (6) *Bona ita professa taxabunt, & pro eorum conditione collectis onerabunt, cujus forma praescripta in alleg. Instruct. der Revisoren des Herzogthums Magdeburg §. 17.* Wann dieses alles erfolgt, ist das ganze Vermögen des Landes in Anschlag zu bringen, und nach dessen Verschaffenheit ein gewisses auff jeden 100. Nutzung, doch daß es den zehenden Pfennig nicht übersteige, zusetzen, damit das Monathliche *Contingent* ohne *Ruin* der Unterthanen heraus kommen möge. *Et hæc de officio Revisorum.*

§. III.

An recte
fiat professio?

Circa professionem bonorum, adhuc nonnulla occurrunt dubia, quæ hic explanare animus est. Et quidem durum videtur ac nimis rigidum minusque Christianum, cogere velle subditum ad professionem facultatum suarum, quas fortassis summo ac difficili labore acquisivit, & uti Impp. Theodos. ac Valent. loquuntur in l. 2. C. quando & quib. quart. pars. nihil tam durum tamque inhumanum sit, quam publicatione pompæque rerum familiarium & paupertatis detegi vilitatem, & invidiæ exponere divitias: & l. 2. C. de alim. pupill. præst. interventu judicis secreta patrimonii non sunt scrutanda, interim tamen utilitas publica & favor justitiæ ac æquitatis in collectarum distributione introducenda, quicquid hic durum posset videri, facile emolliri potest.

Cum

Cum enim nulla alia ratione, æqualis operum distributio haberi queat, merito Princeps vel summus Magistratus his utitur remediis ad finem suum obtinendum & Reipubl. utilitatem comparandam. Ulterius quæritur : Quomodo bonorum fieri debeat professio, an jurato, an vero sine juramento ? Et negari non potest, invaluisse jam dudum in Germania nostra hanc consuetudinem, ut cives vel subditi per juramentum adigantur, ad faciendam bonorum suorum professionem. Sed merito ambigitur, an hic modus censendi cives sit omnino salutaris & Reipubl. proficiuus. Principis enim est utriusque curam gerere, & animarum & corporum subditorum, ut neutrum ullo modo lædatur, vel detrimentum patiatur; nihil autem est, quo salus animæ majori periculo exponitur, quam juramenti delatione, adeo, ut qui sciens finit aliquem jurare, ubi metus perjurii subest, homicida habeatur, nec quisquam perjurii viam aperire debeat, *Tabor. loc. commun. l. 14. c. 23. ax. 7.* Jam autem impossibile prope est, in hac universali ab omnibus facta bonorum professione jurata, nulla committi perjuria, cum insuper multi erroneam hanc & impiam foveant opinionem, talia juramenta esse coacta & vi extorta, ex quorum præstatione nemo obligetur, juxta illud vulgatum, *gezwungen Eyd, ist GOTT leyb* : quod in quantum valeat, quilibet pius & conscientiosus facile dijudicabit. Abstinentum igitur omnino putarem a tali jurata professione, ne, dum salus Reipubl. quæritur, innumerarum animarum salus periclitetur, & in ejus locum substituendam talem professionem, quæ adjectam haberet clausulam poenalem, nempe poenam commissi & confiscationis, si quid celatum fuerit, vel non professum. Eo enim hodie, proh dolor ! perventum, ut excoecati homines majorum facultatum suarum, quam animarum habeant rationem, nec peccare credant, ubi non peccare sine damno non possunt. Fateor equidem juratam professionem etiam in LL. Civilibus fundatam, *l. 2. C. quando & quib. quart. item LL. Imperii, R. I. de A. 1544.* 2. Damit aber die x. & consuetudine approbatam, *Carpzov. l. 4. R. 74.* interim tamen & contraria opinio suos omni tempore habuit fautores inter JCtos, *vid. Rövenstr. im Reichl.*

Nechtl. Bedenden, cum annexo *Responsio Jur. Facult. Marburg. Klock. de contribut. c. 17. §. 78. & alii.* Ego summi Principis hæc omnia relinquo arbitrio.

§. IV.

*Quomodo
bonorum æ-
stimatio fie-
ri debeat?*

Ad formati Revisionis etiam pertinet omnium omnino bonorum consignatio s. descriptio, eorum æstimatio, & proportionata onerum distributio. Hæc autem æstimatio ut sit justa, & rite expediatur, fieri debet a rerum peritis, in re præsentii citato ad id possessore, uti rescriptum in *Instruction der Revisoren des Herzogthums Magdeburg §. 9.* In Anschlagung der Güther aber würde auff die *Taxa*, so jedes Orths üblich, zu sehen, auch jede Hufe und Acker in denen Gerichten, worunter er gelegen, und also *in loco rei sita* zur *Peraquation* zu bringen seyn. Non autem ad pretiositatem vel valorem rei, sed potius ad fructus in taxatione respiciendum. Ad modum enim fructuum collectæ imponuntur, utpote in quibus semper habetur major respectus ad redditus, quam ad rem ipsam, l. si dependentes ff. de Usufr. l. 4. §. si actor ff. de re judic. Gilman. p. 2. tit. 6. vol. 5. n. 31. Supplic. Cameral. ita ut si fructus majores, majora etiam possessori onera imponantur, si minores, minora. Maxime autem in Revisione Catastri respectus habetur ad incrementa & decrementa facultatum, quæ post primam Catastri confectionem subditis obvenierunt, hæc accurate solent notari, & norma ac censura esse debent, secundum quæ tributa imponantur, 2. Regum XXIII. v. 36. ne tantum pauperibus imponatur, quantum divitibus 2. Reg. XV. v. 20. Hinc plane sublato fundo vel prædij, unde census solvebatur, ut si chasmare perierit, etiam plane cessabit census, quia hæc semper quasi clausula subintelligitur, rebus sic stantibus & in eodem statu permanentibus. Nam cessante causa census, cessat & census ipse, & deficiente causa constituti, deficit etiam constitutum ipsum, *Rövensstr. l. c. §. 101. seq.* ubi etiam formulam, secundum quam census imponendus, exhibet. §. 309. quo me remitto.

§. V.

*Catastri
Confectio
quomodo
instituenda?*

His omnibus rite peractis, sequitur tandem novi Catastri confectio, in quod personæ & bona, prout professæ fuerunt,

fuerunt, designanda & æstimanda. Hoc autem fieri debet. a Revisoribus in præsentia Magistratus & communitalis cujusque loci, ut quilibet videre possit, se rite in æstimo descriptum, & sic de æstimi justitia ac æquitate testimonium perhibere. Deinde Superiori ad confirmationem insinuari debet Catastrum, utpote quæ confirmatio tandem plenissimum robur addit publicis ejusmodi constitutionibus, quo facto subsequitur publicatio & intimatio, ad quam iterum Magistratus loci & communitates citantur, simulque admonentur, ut secundum tenorem hujus Catastri, tributa imposita libere & incoacte semper solvant: Si vero contigerit, ut unus vel alter in facultatibus suis damnum patiatur, aut incrementum sentiat, illud vigore semel præstiti juramenti, Magistratui suo denunciabit, & vel augmentum, vel diminutionem impositi oneris expectabit, uti expresse etiam sancitum in sæpe alleg. *Instruct.* der *Revisoren* im Herzogthum Magdeburg §. ult. Nach diesem allen soll jedes Orthes *Catastrum* eingerichtet, und von denen *Revisoren*, in Beyseyn der Obrigkeit und *Commun publiciret*, dabey auch denen Unterthanen angedeutet werden, daß wann ihr Vermögen sich verminderete oder verbesserte, sie es nach dem Eyde, welchen sie ihu geleistet haben, der Obrigkeit so fort anzeigen, und darauff die Erhöhung oder Verminderung ihres Steuer, *Contingents* gewärtig seyn sollen.

§. VI.

Antequam hoc caput finio, paucis etiam de forma adæquationis in Imperio nostro Rom. Germ. & imprimis in nostro Ducatu recepta quædam subjiciam. Antiquissimus & jam dudum inveteratus mos est, collectas secundum certam aliquam bonorum proportionem imponere, ita ut hujus rei etiam vestigia in Sacris inveniamus; *Genes. XLVII. v. 24. Magdeb.* ubi quintam partem ex redditibus agrorum Pharaoni dare jussit Joseph, Pro - Rex Ægypti. De Romanorum veterum censura supra cap. II. quædam fuerunt dicta, quo me remitto. In Receptibus Imperii duplicem collectandi modum invenimus, primum per æs & libram, qui olim maxime fuit frequentatus in collectione des gemeinen Pfenniges, & justissimus nominatur, R. I. 1542. §. Und wiewohl derhalben & maxi-

*Demodo
collectandi
in Imper.
& Ducatu*

maximopere Imperii Statibus commendatur in Comitibus A. 1608. ideo, quia secundum eundem non tantum subditi, sed etiam Electores, Principes, civitates, imo omnes pro ratione suarum facultatum collectantur, nemine plane exempto, qui modus collectandi etiam fuit comprobatus auffs dem Ercys. Tages Abschiede zu Braunschweig in Mart. A. 1622. ubi statutum: Daß ein jeder sine discrimine den hundersten Pfennig zur Anlage zu Erhaltung des Defension - Werthes zahlen und eintheilen solle, welcher aber unter 100. fl. werth hat, soll von 20. fl. 2. gl. und welcher unter 20. fl. werth hat, soll 1. gl. 4. Pf. geben. Et hic modus collectandi ab An. 1495. usque ad A. 1521. duravit, quamvis interim septem Imperii Recessus fuerint habiti, ubi in Comitibus Wormatiensibus §. Item habent wir uns weiter. alius modus fuit introductus, qui vocatur nach dem Römer Zug. s. juxta Matriculam Imperii, ubi Statibus collectæ ita imponuntur, ut illis liberum relinquatur, collectas inter subditos iterum pro lubitu distribuere. De utroque modo in Comitibus Ratisbonensibus A. 1508. & 1603. valde fuit disceptatum, interim tamen posterior frequentior, & in nostro Imperio hodie receptus ac approbatus.

§. VII.

Ab hac communi collectandi modo recedunt sapius Jura Provincialia, quæ pro subditorum statu ac conditione distributionem instituere solent. Ego in præsens de aliorum consuetudinibus non ero sollicitus, sed de patriis moribus quædam adjiciam, qua ratione & proportionem collectarum hic fiat distributio.

§. VIII.

Modus
collectandi
Superiori
Seculo.

Sciendum igitur est, superiori seculo usque ad Annum 1581. tributa tantum agris fuisse imposita, ita ut centesimus ubique nummus loco tributi penderetur, uti Taxa in Archivo, cujus copia inter Acta Provincialia asservatur, testatur. Postmodum cum hæc quantitas non sufficeret, deliberatum fuit, quomodo tributum centesimi nunni posset augeri; & ab initio inter se convenerunt: (1.) Ut opifices, qui nullas haberent proprietates, & ideo olim a collectis immunes, iuxta habita bonorum proportionem, taxarentur. (2.) Clerici, Capitulares, Abbates &c. tertiam partem annuo-

annuorum redituum conferrent. (3.) Nobiles quintam vel sextam suorum proventuum contribuerent. Et hæc Taxa aliquantisper stetit, donec tempore Alberti, Cardinalis, Electoris Moguntini, Archi-Episcopi Magdeburgensis, Marchionis Brandenburgici, novæ Taxa constituta, quæ de omnibus bonis, tam mobilibus, quam immobilibus, quinquagesimum & tandem septuagesimum, nummum, tributis loco exigeret.

§. IX.

Et hæc fuit prima origo septuagesimi nummi oder des *Origo des* siebenzigsten Pfenniges, qui modus collectandi adhuc hodie *siebenzig-* in patria mea frequentatur. De hujus impositione, reperitur adhuc vetus aliquod documentum, cujus tenor cum paucissimis cognitus, ad plenioram autem hujus rei notitiam non parum conferat, operæ præsum esse duxi, potissima capita exinde excerpere. Et quidem primo continet instructionem, quæ tunc temporis Taxatoribus data, in qua jubetur, ut adhibitis cujusque loci Magistratibus omnia oppida ac pagi, item cœnobîa & loca sacra, præstito juramento, suas facultates profiterentur, & convenienti pretio taxarentur, ut postmodum secundum hujus pretii quantitatem, loco tributis, cuilibet solutio LXX. nummi imponeretur, *Instruct. der Taxatoren de A. 1531. §. 1. usque 5. (2.)* Qua ratione inquisitio in facultates fieri debeat, §. 5. & 6. præscribitur. (3.) Tributa in loco rei sitæ esse solvenda, licet possessor in alieno territorio habitet, §. 7. (4.) Quomodo unusquisque in specie examinandus, & quænam bona profiteri debeat, §. 8. seq. (5.) Omnia bona collectanda, sive sint feudalia, sive hereditaria, sive propria, sive jure colonis possideantur, §. 12. (6.) Qui nulla bona propria habent, de 40. gl. salario unum, loco tributis, solvent, exceptis tamen illis, qui Nobilibus, Prælatibus & Magistratibus civitatum serviunt, §. 17. (7.) Opiliones, carnifices, meretrices, lenones, molitores in specie taxari jubentur §. 20. seq. (8.) Magistratus etiam, item die Innungen, confraternitates & omnes communitates, qui prædia, decimas, prata, lacus s. Teiche, molendina & similia, sive mobilia, sive immobilia possident, etiam taxandæ & allibran-

allibrandæ. (9.) Specialis taxa additur Clericorum & bonorum Clericalium, quod illa quoque Antistites Ecclesiarum jurato debeant profiteri, & non-secus, ac aliorum Laicorum, secundum septuagesimum nummum collectari. Hæc sunt potissima capita, quæ in hac Instructione continentur, cui postmodum annexantur juramenta Taxatorum & Receptorum.

§. X.

Libri Professionum antiqui.

Hi libri Professionum & Taxationum A. 1531. confecti, continebant cujuslibet loci bona, quomodo professa, & taxata, & collectæ septuagesimi nummi subjecta, & diu in Archivo, quod in arce Mauricii Halæ erat, fuerunt asservati, adhuc A. 1608. uti inventarium, jussu Reverend. Capituli, tum temporis sede vacante, confectum testatur, qui libri Professionum sex constabant voluminibus. Qua ratione & quo tempore postmodum hi libri fuerint deperditi, de hoc non constat. Dolenda utique maxime est hæc jactura, utpote quæ causa fuit multarum confusionum, maxime vero, quod tempore pie defuncti Serenissimi Dn. Administratoris AUGUSTI nulla generalis potuerit fieri exæquatio, sed cuilibet loco in specie, pro qualitate damni perpassi fuerit facta remissio ac moderatio tributi, quæ remissa ac moderata a matricula detracta, eam non parum debilitarunt, ut hinc multiplicatio & reiterata impositio septuagesimi nummi eo sæpius fieri debuerit.

CAP. VI.

DE

FINALI CAUSA REVISIONIS CATASTRI.

§. I.

Querela de inæqualitate Collectarum.

Nullæ calamitoso hoc tempore frequentiores exaudiuntur querelæ, quam miserorum subditorum, qui sub tributorum oneribus fere exanimis jacent & vix spiritum ducunt, omnes fere uno ore se miserrimos esse dicunt, & de crudeli exactorum sævitia querelas ingeminant.

geminant. Si causam quæras, nullam aliam inuenies, quam inunctorum tributorum iniquam ac inæqualem distributionem, & quod omnis potentiorum sarcina ad inferiores transfertur, *l. 1. C. de cens.* Huic igitur malo ut debita opponatur medela, Catastri solet institui Revisio, utpote cujus unicus hic solet esse finis, *Finis Revisiois.* Æquitas & publica Utilitas. Et ob summum hujus æquitatis favorem, volunt Doctores, etiam ad unius instantiam posse Catastrum mutari ac revideri. Nam quamvis necessaria omnino sint tributa, & ob id etiam laudabilia, speciem tamen & vultum illaudabilem sumunt, si non perite administrantur, & insitum illis odium certis quasi fomentis emolliatur. Inter quæ remedia imprimis æqualitas & generalis adæquatio tam de Jure Civil. communi, quam novissimo, *R. 1. de Ann. 1542. & 1544. ju Esper.* commendatur, ubi in colligenda nummula ad collectam Turcicam summa ubique æqualitas fuit observata. Vix enim credas, inquit *Lipsius 4. Polit. 11.* ubi inæqualitas adest, quantum augeatur insita humano generi invidia, ut pari dolore aliena commoda ac suas injurias metiantur. Hic est ille finis, qui ex Catastri Revisione fluere debet, æquitas hæc nisi primario unice intendatur, nihil recte agitur.

§. II.

Accessorius finis etiam esse potest hic, ut Princeps numerum & capita ac facultates subditorum suorum sciat, ut, si fortassis belli vel alia calamitas ingruat, de viribus regni sui constet, an ipse sibi consulere possit, an vero aliorum necesse habeat requirere subsidia. Denique ut sit norma, quam exactores tributorum observent, & secundum quam unumquemque ex subditis ad onera solvenda adigant, ita ut quanti quisque descriptus in æstimo fuerit, tantum & non plus nec minus quilibet conferre teneatur. Imo etiam eo fine, ut exinde concipiatur, quinam contributioni sint addicti, qui vero liberi & immunes &c. *Klock. de contrib. c. 20.*

§. 386. ubi plures citantur.

CAP. VII.

DE

EFFECTIBVS REVISIONIS CATASTRI.

§. I.

*Effectus
Revisionis
Primus.*

Effectus Revisionis varii possunt constitui, uti effectus ipsius Catastri non sunt unius generis. Sic (1.) effectus Revisionis est, quod per Revisionem bonorum & descriptionem in publicum Catastrum contrahatur, de novo hypotheca publica & quasi consensus, ad præstandam collectam pro ea quantitate, qua in Aestimo descriptus est, *Thomas. de collect. §. sine num. 3. & 11.* quæ obligatio rem uniuscujusque, imprimis immobilem, adeo afficit, ut simul cum ea transeat in quemcunque possessorem. Quemadmodum enim per Catastrationem contrahitur quasi obligatio personalis & realis, *l. 4. C. de agricol. l. fin. ibi, si passi sunt. de veteran. Gail. 2. obs. 52. n. 24. Tessaur. Decis. 164. n. 3.* ita multo magis per Catastri Revisionem talis inducetur obligatio.

§. II.

*Effectus
secundus.*

Alius effectus est, quod Revisioni Catastri plena tribuatur fides, ita ut omnis in illo descriptus, quantitatem collectæ sibi impositæ, sine ulla mora teneatur solvere, nec eum juvet, quod rem alienaverit; tamdiu enim pro novo possessore collectas solvere tenetur, donec res in æstimum ementis fuerint relatæ. Potest tamen ab emptore illud, quod solum fuit, repetere, utili actione negotiorum gestorum, *arg. l. 6. §. 3. ff. de neg. gest. Rol. a Valle Vol. 1. Consil. 32. n. 15. Barthol. Socin. conf.* Quæritur hic: An liberum sit possessori, rem in Catastrum relatam, cui libuerit, vendere? Et respond. neg. cum enim Reipubl. interfit, ne res in talem emptorem transferatur, qui ad collectas rei inhærentes solvendas, minus sit idoneus, ideo non licebit in inidoneum rei possessionem transferre, sed æque idoneus erit eligendus. Si secus fiat, prior possessor ab onere collectarum non liberabitur, sed nihilominus, etiam re venditâ, adhuc solvere tenebitur

*An res in
Catastrum
relata liberè
possit vendi?*

bitur per expressam *l. 3. C. de prad. & omnibus reb. navicul.* ubi dicitur, quod si ad minus idoneum res fuerit translata, etiam auctores transcripti prædii teneantur obnoxii, & *Nov. 17. c. 8. §. 1.* declaratur, quis pro inidoneo emptore habendus, ita *arbitr. sed & peric. C. sine cens.*

§. III.

Ex Revisione Catastri etiam hic fuit effectus, quod exin-^{Effectus} de præsumatur, jurisdictio, ita ut qui in Revisione iterum in^{certius.} Catastrum relatus, etiam jurisdictioni istius loci, ubi Revisio facta, se subicere teneatur. Illud tamen tantum intellectum volo ratione rei in Catastrum relatæ, quod nimirum ista res sit illius jurisdictionis, cujus est catastro, *Nicol. de Passer. de privas. script. l. 5. q. 1. n. 34.* Personæ enim subjectionem hoc necessario non arguit. Deinde etiam limitatur & restringitur hæc assertio, quod tantum valeat in immatriculato, qui scienter fuit catastrostratus; nam si inscius & non citatus a Revisoribus fortassis ex errore in Catastrum fuerit relatus, illud non fundabit jurisdictionem, utpote quæ in inscium & invitum non exercetur. Catastrum enim neque dominium, neque possessionem, probat contra eum, qui scriptura non consensit, neque interfuit, *Montan. c. 64. n. 5. Mascard. de probat. conclus. 273. n. 2. 3. & 7.* Notanter etiam dictum, quod præsumatur jurisdictio ex descriptione in Catastrum. Nam communis Doctorum opinio est, quod solus liber censualis non faciat plenam probationem, interim tamen si cum aliis adminiculis concurrat, oriri exinde præsumptionem, *Hieron. de Monte de finibus regund. c. 64. Corne conf. 333. n. 9. vers. sin autem probaretur l. 1. ubi dicit Catastrum non mediocre signum & argumentum præbere, quod bona ibi descripta sint illius territorii, cujus est Catastrum. Paris. conf. 104. n. 69. Seraphin. Olivier. Razzal. Decis. 1061. n. 5. & 1077. n. 2.*

§. IV.

Hoc etiam operatur Revisio Catastri, quod ita reiterata^{Effectus} descriptio, contra eos, qui de tributorum inæqualitate con-^{quantus.} questi, & de novo se inscribi passi sunt, conventionem inducat & quasi contractum, inscriptum ad inscriptæ quantitatis solutionem obligari, quæ obligatio necessitatem solvendi & præstandi continet, *l. 3. ff. de O. & A. l. 5. C. eod. l. 1. s. l. stipulationes*

lationes ff. de V. O. hinc per hanc reiteratam descriptionem quali contrahitur, & personalis ac realis obligatio inducitur. l. 4. C. de agricol.

§. V.

*Effectus
quintus.*

Refertur etiam inter effectus Revisionis, quod in gratiam ejus, cujus bona in Catastro descripta, inducatur aliqualis præsumptio, eum esse verum horum bonorum possessorem, *Mascard. conf. 273. n. 8. Turret. conf. 9. n. 22. l. 3. Aldovin. c. 43. n. 14.* & huic præsumptioni tamdiu statur, donec proberetur contrarium, *l. generaliter §. si pretium in fin. ff. de Fideicomm. libert. l. fin. pr. ff. quod met. caus.* Aliud dicendum, si tertius contradixit descriptioni in Revisione ad ejus nomen, tunc enim procul dubio dominium, quod erat apud tertium, non amovebitur, nec transibit in alium, cui in æstimo reperitur adscriptum, licet ille collectas solvat publicas, *l. censualis in pr. l. solennibus C. de R. V.*

§. VI.

*Ultimus
effectus.*

Denique effectus Revisionis est, universalis omnium onerum exæquatio. Cum enim ea durante cuilibet licitum sit, libere profiteri, quæ eum premant gravamina, quæ passus sit detrimenta, quæ commoda alius acceperit, hic etiam unicus & principalis ibi intendi solet scopus, ut inæqualia exæquantur, & cuilibet suum, pro facultatum proportionem, tribuatur.

§. VII.

De Actionibus.

De Actionibus reciproce competentibus hic quædam subjicienda forent, sed cum alii hoc fufius pertractarint, brevitatæ causa, eo me remitto. Videatur *Klock. de contribut. c. 19. per 101. Brunneinan. ad L. 5. C. de cens. & censit.* De contrariis & affinibus, quæ debuissent proferri, lubens omitto, ne modum in disputatione excederem, & B. L. nimis molestus forem.

Conclusio.

Et hæc sunt, quæ pro instituti ratione de præsentî materia in medium proferre placuit. Tu, Benevole Lector, si ex imbecillitate fortassis offenderim, & minus accuratus fuerim, ignosces & veniam dabis. Summo autem Numini, in cujus nomine hoc negotium suscepi, immortales exsolvo gratias, pro immensa sua in me bonitate, quod Studiis

diis meis hæcenus ex alto benedicere, eorumque cursum ad præsentem usque metam benigne dirigere voluerit. Tibi, o Summe DEUS, in posterum quoque omnes & animi & corporis vires unice devotas & consecratas volo, rege & dirige omnia mea cœpta, & fac, ut nunquam a pietatis ac justitiæ via in devia deducar, sed in eo, in quo me collocasti, stadio inoffensus & feliciter procedam. Hoc unicum votum, ut omnes conatus mei in Tui, Summe DEUS, honorem, patriæ emolumentum, familiæ & proprium commodum proferantur.

FINIS.

* * * * *
* * * * *

IAm valeat multum vulgata paroemia NOXÆ
HEROUM FILII: Justinianus ait.
Nobile LYSERI volitare per ora Virorum
Nomen, quis nescit Fonte bibens Clario?
Theologi, vel Consulti, Medicive, Sophive
Res poscas, magna est gloria LYSERIDUM.
Quare sublimi cum promas pectore jura,
Consultæ Laurus præmia celsa feres.

*Honori Prænobilis Dn. DOCTORANDI
Fautoris & Amici sui
f.*

DIET. WILHELMUS MATTHIÆ,
D. & P. P.

Ad

Ad
NOBILISSIMUM AC CLARISSIMUM
DN. LYSERUM
AMICUM SUUM ÆSTUMATISSIMUM
DOCTORIS AXIOMATE
propediem condecorandum.

Usque Tibi placuit Themis, & Themidi usque placebas,
Splendida ob ingenii dona, **LYSERE**, Tui.
Tunc Themidi placuisse juvat, dum dicere **DOCTOR**;
Quippe placet Themidi, se placuisse Tibi.

GEORGIUS HENRICUS Brückner,
*I. U. D. Pund. P. P. & Iudicii
Elect. Mogunt. Assessor.*

Quo Te fata trahunt, dic, quo contendis, **AMICE**,
Quid, queso, insvetas gestis adire plagas?
Siccine Lipsiæ jam dedignabere Musas,
Quas in deliciis haut latet esse Tuis.
Siccine quæ divæ Themidos Te rore beavit
Ernestina Tui lumine cassa gemat?
At reor insoliti causa est sat iusta recessus,
His quæ mandavit vertere terga locis.
Misnia Te coluit, coluit Schaumburgica tellus,
Utraque constanti flagrat amore Tui.
Quid mirum? quoties scandentem pulpita vidit,
Pervidit raras utraque mentis opes.
Qui lateat tantis animus qui dotibus auctus,
Omnia multiplici fertilitate replet?
Ast Hierana Tui vix percita Nominis aura
En summi cupide pandit honoris iter.
Ergo virtutis monstrato tramite tutus
Ingredere & meritis præmia digna cape.
Præmia, quæ duplici Tibi palma jure reservant
Urbs Hierana *fori*, Parthenopæa *sori*.

Paucis his Nobilissimo Dn. **CANDIDATO**,
jam inde a multis annis sibi amicissimo,
novos honores gratulari voluit

GEORGIUS LOHMEIER,
Sch. Carb. Magd. R.

